



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

13326

ԱՇուղ Ալաւանի

1901

ԱԼԲԱՆԱԿՆԵՐԻ ԳՐԱԿԱՆՈՒԹՅԱՆ

891.99

Վ՛- 29

ИЗДАТЕЛЬСТВО  
МАСТЕРСКИХ  
Е. В. ЗЕРНОВА  
ТАКОЖЕ ТА. 117

СЕРИЯ КСРМ

СЕРИЯ КСРМ

№ 1

СЕРИЯ КСРМ

СЕРИЯ КСРМ

СЕРИЯ КСРМ

СЕРИЯ КСРМ



891.991

Մ - 29

№ 9335

# ԱՇՈՒՂ ԱՋԱՏԻ

## Հ Ե Ք Ե Ա Ր Ը



1002  
1957

Ա Շ խ ա ս ա ի ր ե ց

ԶԻՈՐԳ ԹՈՐՈՍԵԱՆ ՄԱՋՆՈՒՄԵԱՆՅ



Ա Ղ Է Ք Ս Ա Ն Դ Ի Ը Գ Օ Լ

Տպ. Ա. Մալխասեանցի ☆ Կոմ. Ա. Մալխասյան

1901





5235

ՀԱՅԿԱՍՏԱՆԻ ԳՐԱԴԱՐԱՆ

ԳՐԱԳՐԱԿԱՆ ԳՐԱԴԱՐԱՆ



Дозволено цензурою. Тифлисъ, 8 Мая 1901 года.

2004



### ՅԱՌԱԶԱԲԱՆ


Ի նկատի առնելով, որ հետզհետե ընթերցասիրութիւնը տարածվում է մեր ժողովրդի ստորին դասակարգի մէջ, շնորհիւ հեքեթների և նրանց նման գրուածքների, որոնք շատ մօտ են ժողովրդի սրտին և հոգուն, ըստ որում, սկիզբն են առնում նորա բուն կեանքից, ուստի թոյլ եմ տալիս ինձ վստահանալ և ընթերցասիրութեան գանձանակի մէջ գցել և իմ փոքրիկ գրականական լուման. — «Աշուղ Ս. զատի հեքեթը» վերնագրով գրքիցը, որը նկարագրելով մի տոհմի անցեալը հանդիսանում է իբրև իրականութեան պատկեր:

Անշուշտ, սոյն աշխատութիւնը ունի իւր բազմակողմանի թերութիւնները, բայց և այնպէս այդ թերութիւններով հանդերձ թոյլ ենք տալիս մեզ հրապարակ դուրս գալ, առաջնորդուելով ժողովրդական ընթերցանութեան վեհ և սուրբ գաղափարով, որի հիման վերայ էլ խնդրում ենք



բարի ընթերցողների ներողամտութիւնը դէպի սոյն  
 քրքուրի պակասութիւնները, աչքի առաջ ունենա-  
 լով, որ այս մեր գրական աշխատութեան առաջին  
 փորձն է:

Գեորգ Թորման Մաջլումեանց



## ԱՇՈՒՂ ԱԶԱՏԻ ՀԵՔԵԱԹԸ

**ԺԹ** դարի սկզբներում Ղարաբաղցի Մէլիք-  
 Մաջլումի և իւր եղբայր Մէլիք-Հաչկազունու մէջ  
 ծագեց զժառութիւն և վերջինը վեր առնելով իւր  
 ընտանիքը և մի քանի տուն հալ ժողովուրդ, գը-  
 նաց Պարսից Աղա-Մահմադ Շահի մօտ և խնդրեց  
 նորանից մի բնակութեան տեղ: Շահը նորան շնոր-  
 հեց Շաւարշան գաւառի Կարմիր-Կոնդ գիւղը: Մե-  
 լիք-Հաչկազունին այնտեղ մի քանի տարի խաղաղ  
 կեանք անցկացրեց և ունեցաւ մի արու գաւառի, ո-  
 րին կոչեց իւր եղբոր անունով—Մաջլում, որպէս զի  
 նախկին անունը չը կորչի:

Երբոր Մաջլումը եղաւ տասն տարեկան, հայրը  
 նորան տուեց ուսման, որը սկսեց շատ յաջող սո-  
 վորել և հինգ տարուան ընթացքում աւարտեց իր  
 ուսումը. այնուհետև իրեն նուիրեց օրսորդա-  
 կան կեանքի: Նա հաւաքեց մի քանի երիգասարդ-  
 ներ և նրանց հետ սկսեց շրջել Շաւարշանի խոր-



քերուժ և գանազան քաջութիւններ անել, որտեղ լաճախ իր խմբով պատահում էր քիւրդական աւագակախմբերի և շատ լաջող կերպով ցրվում էր նրանց: Նամանաւանդ երբ լիշում էր այդ վայրենի ցեղերի ոճրագործութիւնները իր պապերի օրով և նըրանց մէջ տեղի ունեցած արկածների մասին, աւելի ևս զինվում էր և լցվում անսլաւամբի վրէժխնդրութեան ոգւով. նա շարունակ մտածում էր հետզհետէ աւելի ու աւելի սուուարացնել իր խումբը և վերջնականապէս դուրս վանել Մաւրաքանի սահմաններից իւր հակառակորդ բարբարոս հրոսակներին: Եւ լիրաւի, նորա նախամտածմունքները արդէն իրագործուելու վերայ էին, երբ անակնունելի կերպով անգութ ճակատագիրը լեղաշրջեց նորա բոլոր կազմած ծրագրները և զրկեց նորան իր թանկագին հօրից: Մելիք-Հայկազունին մահացաւ: Մաջլումը շատ մեծ շուքով թաղեց իւր հօրը և շատ փառաւոր պատարագ և հողեհանգիստ անել տուեց, որին ներկայ էին բոլոր ժողովուրդը: Պատարագին այնպիսի պատրաստութիւն էր տեսնուած՝ որի նմանը երբէք եղած չէր:

Գորանից լետոյ ժողովուրդը Մաջլումին ընդունեց իբրև Մելիք: Մելիք-Մաջլումը մի տարի սուգ պահելուց լետոյ ամբաստացաւ մի հայ օրիորդի հետ և շատ մեծ հանդեսով պսակուեց:

Մի քանի տարուց լետոյ նա ունեցաւ մի արուզաւակ, որին մկրտելով Սուրբ Թէոդորոսի տօնին, անուանեց Թորոս: Մելիք-Մաջլումը մի քանի տարի բաղդաւոր ու երջանիկ կեանք վարելուց, լետոյ հետզհետէ ընկաւ դժբաղդութեան մէջ. ժամանակը փոխուեց դէպի վատը: Օսմանեան կուսակալները սկսեցին քիւրդերի միջոցաւ ասպատակութիւններ կատարել նրանց սահմաններում և տեսակ տեսակ անտանելի ոճրագործութիւններով ըստպառել հայ տարրը: Մելիք-Մաջլումը լաւ համոզուելով՝ որ այլ ևս անգօր է պաշտպանուել այդ արիւնարբու ցեղերից և լսելով՝ որ այդ ժամանակ ռուսահպատակ հայ ժողովուրդը շատ լաւ վիճակի մէջ է գտնուում, որոշեց անց կենալ դէպի Ռուսաստան, այդպէս էլ արեց: Անպիտան քրդերը լսելով այդ բանը, զինուեցին երեք հարիւրի չափ մարդիկ և շտապեցին դէպի ռուսաստանի ճանապարհը և սկսեցին հսկել, որպէսզի լաջողեցնեն արգելել և բռնել կամ սպանել Մելիք-Մաջլումին:

Վերջապէս վերջինը իւր խմբով պատահեց նրանց և երկու կողմից սկսուեց սաստիկ պատերազմ. շատ վաղուց էր, որ Մելիք-Մաջլումի արիւնը չէր շարժուել. նա քաջացաւ և որպէս մի առիւժ՝ գոռաց և արագաթռիչ նժոյգի վերայ նստած՝ նիզակը ճօճացնելով օդի մէջ, յարձակուեց քրդե-



րի վերայ և աջ ու ձախ գետին տասպալելով նորանց, անցաւ բանակից դուրս, բայց ինչ կարող էր անել արգեօք, երբ իր մարդկանց երկուերորդ մասը արգէն կոտորուած էին: Նա տեսաւ որ այլ ևս անհնարին է ընդդիմանալ, հազիւ առաւ իւր կինը և որդին սլացաւ դէպի Ռուսաստան: Մելիքը թէև ազատեց իւր ընտանեաց կեանքը, բայց զրկուեց իւր բոլոր ստացուածքից, թանկագին իրէյդէններից և որ ամենագլխաւորն է, իւր ազատութեան թըղթից, որը տուել էր նորան սլարսից Շահը: Մելիք Մաջլումը անցաւ ռուսաց սահմանը և հասնելով Երրակայ դաշտը բնակուեց Ղարաքիլիսայ գիւղում: Ղարաքիլիսեցիք տեսնելով նորա բարեբարոյ վարքը և պատուաւոր դիրքը, նորան ընդունեցին ի շարքս մշտաբնակների և տուեցին մի քանի կաօր հող վար ու ցանքի համար. այդտեղ Մելիք-Մաջլումը ապրեց մի քանի տարի խաղաղ կերպով, այնուհետև մտածեց գնալ Պարսկաստան և Շահից ստանալ իւր ազատութեան թուղթը, բայց նորան արգելք եղաւ Հասան-Սանի ասպատակութիւնը և յանկարծակի յարձակումը դէպի Երրակ:

Հասան-Սանը իւր աւագակային գործողութիւններով սարսափ էր տարածել երկրի բոլոր կողմերը և հէնց որ իմացվեց նորա դէպի Երրակ գալը՝ բոլոր գիւղացիք շտապեցին պատասպարաններ գտնել

քարանձաւների և անառիկ լեռների մէջ և այլևայլ ամրութիւններում. գիւղացիներից նրանք, որոնք հնարաւորութիւն չունէին փախուստ տալ հեռաւոր տեղեր, ամրացան եկեղեցիներում. այսպէս եղաւ և Ղարաքիլիսայ գիւղում: Հասան-Սանի մարդիկը հեղեղի նման լցուեցին գիւղը և անխնայ կերպով ասպատակեցին ու կոտորեցին բոլոր անպաշտպան մարդկանց, յետոյ շրջապատեցին եկեղեցին, դռները կոտորեցին ներս մտան և սկսեցին անխնայ կոտորած անել և յետոյ հրգեհնել եկեղեցին: Կանանց և երեխայոց լաց ու կոծի ձայները երկինք էր բարձրանում և լսողների սիրտն ու հոգին մարմաբուծ:

Սյս սարսափելի կոտորածից ազատ մնաց Մելիք-Մաջլումը իր ընտանիքով, որովհետև սկզբից կարողացել էր ձեռք բերել անառիկ ապաստանարան: Երբոր Հասան-Սանի սարսափը անցկացաւ, Մելիք-Մաջլումը եկաւ իւր ընտանիքով բնակուեց Հայր-Յարթիկ գիւղը Ղահրաման Սուլթանի մօտ: Ղահրաման-Սուլթանը հարց ու փորձ անելով և իմանալով նորա ո՞վ և ում որդի լինելը՝ նորան բնակութեան տեղ նշանակեց Մուղերիո գիւղը և պատուիրեց այնուհետև անուանել այդ գիւղը Սուլթանի-գիւղ որ այժմ կոչվում է Պարոնի գիւղ կամ Սուլթանի Պարոնի-գիւղ: Մելիք-Մաջլումը հաւաքե-



լով մի քանի տուն հալ ժողովուրդ՝ հաստատուեց այդ գիւղում: Նա երեք չորս տարի հանգիստ ու խաղաղ կեանք վարելուց յետոյ, կրկին մտադրուեց գնալ Պարսկաստան Շահի մօտ և հաստատել տալ իր մելիքութիւնը, բայց այդ բանը չըլաջողուեց նորան, որովհետև մահը վրա հասաւ և վաղճանուեց յիսուն տարեկան հասակում:

Նորա որդի խեղճ Թորոսը դեռ քսան տարեկան հասակում ընկաւ ընտանեաց ծանր հոգսի տակ. նորա տխրութեանը չափ չ'կար, անդադար զօր և քիշեր լաց էր լինում և իր վիճակը մտաբերելով՝ լուսահատութիւնից քիչ էր մնում խելագարուէր: Վերջապէս մի քանի ժամանակից յետոյ ինքն իրեն մտածելով՝ ուշքի եկաւ որ ի գուր է բոլոր տխրութիւնը, որովհետև մահը բնական բան է, ուստի սկսեց ամուսնութեան պատրաստութիւններ տեսնել, իւր մտերիմների միջնորդութեամբ կարողացաւ պսակուել մի լաւ օրիորդի վրայ, որը կատարելապէս մխիթարութիւն պատճառեց նրան իւր հօր մահուանից յետոյ:

Նրանց ամուսնական կեանքը իսկապէս նախանձելի էր: Թորոսը ունեցաւ երեք որդի. առաջին որդուն անուանեց Յղիշէ, երկրորդին Իսկեանգար, իւր երրորդին մկրտութեան ժամանակ Ղահրաման-Սուլթանը ներկայ լինելով իւր մեռած սրբու անունով կոչեց Յովհաննէս:

Թորոսի որդիքը մէկը միւսից լաւ էին, նրանք Աստուծոյ տնօրէնութեամբ մեծացան, առուզացան և իրանց ծառայութեամբ իրանց հօրը մեծ ուրախութիւն ու մխիթարութիւն պատճառեցին: Մեծ որդին Յղիշէն կառավարում էր տունը, որպէս անմիջական յաջորդ իւր հօրը, երկրորդ որդին Իսկեանգարը արածեցնում էր իրենց ոչխարների հօտը Արագած լեռան կանաչազարդ լանջերում, իսկ Յովհաննէսը սրտորդութեամբ էր պարապում. միշտ հրացանը ուսին շրջում էր Արագածի վրայ և անվեհեր կերպով մտնում էր այդ ամեհի լեռան խոր-խոր ձորերում ու քարանձաւներում և լարձակվում էր նորանցում թագկացած գողանների վրայ և առանց սխալուելու գնդակահար անում նրանց: Նրանց տունը լիքն էր վայրենի արջերի մորթիներով, որոնք զոհ էին եղել նորա հրացանին:

Թորոսը իւր 25 ամեայ մեծ որդի Յղիշէին մեծ հանդէսով պսակեց և վերջնականապէս ինքը հրաժարուեց տան կառավարութիւնից, տան աւագութիւնը լանձնելով նորան. գորանից յետոյ դարձեալ մի քանի տարի ամենաերջանիկ կեանք անցկացնելուց յետոյ կնքեց իր մահկանացուն:

Հաւաքուեցան բոլոր սրգիքն և շատ փառաւոր հանդէսով թաղեցին իրանց հօրը և մի տարի սուգ պահեցին. նորա մահուան համար:



Աստուած Եղիշէին մի որդի պարգևեց, որի անունը կոչեց Սուրէն. նորածին Սուրէնը կարծես մոռացնել տուեց Թորոսին. Եղիշէն և իւր եղբայրները կատարեալ մխիթարվում էին այդ նորաբողբոջ ծաղիկով: Սուրէնը երբ եղաւ երեք տարեկան, նորա գեղեցկութեանը չափ չկար, նա իւր տարիքին նայելով անհամեմատ առօրյ գէր, կարծես տաս տարեկան լինէր, հաստաբազուկ, երկայնավիզ, ճակատը լայն, աչքերը փայլուն որպէս երկու հրալին աստղեր, այտերը վարդագոյն, հասակը վայելուչ, միով բանիւ նորան տեսնողը միանգամայն զարմանում էր ու ինքն իրան ասում.— այսպիսի գեղեցկութիւն ոչ եղել է և ոչ էլ պիտի լինի. Սուրէնը այդ գեղեցկութեան հետ միասին ունէր և վերին աստիճանի քարցրախօս լեզու: Երբոր եղաւ ութ տարեկան, հայրը նորան տուեց ուսման Ս. Էջմիածնում: Նա իւր անսովոր ընդունակութեամբ զարմացնում էր իւր ուսուցիչներին, որոնք խոստովանում էին, որ այդպէս ընդունակ ու գեղեցիկ տղայ երբէք տեսած չեն, որի պատճառաւ նորանք Սուրէնին անուանեցին Գեղեցիկ—Սուրէն. Գեղեցիկ Սուրէնը իւր ուսումը շարունակեց մինչև տասն և հինգ տարեկան հասակը, այսինքն մինչև այն ժամանակ, երբ Խրիմեան Հայրիկը ընտրվում էր Կաթուղիկոս:

Հայրիկի օժման ժամանակ Սուրէնը դեռ Էջմիածնումն էր. նա տեսաւ, որ օժման համար մեծ պատրաստութիւններ են տեսնվում, գրեց իւր հօրը որ արժէ ներկայ լինել այդպիսի շքեղ ու սուրբ հանդէսին: Եւ չիրաւի աշխարհի ամեն ծայրերից շտապում էին անթիւ ջերմեռանդ հայեր ներկայ լինելու իրենց սիրելի Հայրիկի Օժմանը, նրանց թւում և շտապեց գալ Էջմիածին Սուրէնի հայր Եղիշէն իւր կին Լուսինի հետ, բաւական պատրաստութեամբ հանդերձ, և հիւր իջաւ Ղևոնդ Ամագեանի տունը: Երեկոյ էր. Ղևոնդը երբ իմացաւ որ գեղեցիկ—Սուրէնի հայրն ու մայրն են, շատ ուրախացաւ և մի փառաւոր ընթրիք պատրաստեց նրանց համար: Ընթրիքը շատ զուարճալի կերպով ընդունելուց լետոյ հանդիստ քնեցին:

Հետևեալ առաւօտեան վաղ վեր կացան և նախաճաշելուց լետոյ գնացին վանքը, որտեղ պէտք է հանդիսատես լինէին օժմանը. Օժման հանդէսը աննկարագրելի էր. ժողովրդի մեծ բազմութեան պատճառով Օժումը կատարուեց սալայտակի վերայ, որտեղ պատրաստուած էր յատուկ տախտակամած. Օժման խորհուրդը կատարելուց լետոյ, տասնեակ հազարաւոր ժողովրդի կեցցէների ձայնը թընդացնում էր օդը: Երբ ամեն ինչ վերջացաւ և ժողովուրդը սկսեց հեռանալ, Ղևոնդն էլ վեր



առաւ իւր հիւրերին, որոնց հետ էր և Գեղեցիկ —  
Սուրէնը, և եկան տուն: Ճանապարհին Ղևոնդը  
մտածում էր թէ արդեօք կլինի, որ Սուրէնը իրեն  
փեսայ լինի. իսկ Եղիշէն էլ մտածում էր որ առա-  
ջարկութիւն անէ Ղևոնդին նորա Արուսեակ աղջիկը  
առնելու իւր որդի Սուրէնին հարսնութեան:

Մինչդեռ այդ երկուսը փոխադարձաբար այդ  
խորհուրդը տածում էին իրանց սրտերում և մտա-  
խոհ կերպով առաջ դնում, ճանապարհին սրտա-  
հոգներն էլ իրանց կողմից երբ տեսնում էին Սու-  
րէնին և Արուսեակին՝ ասում էին, եթէ այդ տղան  
և աղջիկը միմեանց հետ բարեկամութիւն չունին՝  
արժանի են միմեանց առնելու:—

Երբոր տուն հասան, ճաշը արդէն սլաքափ  
էր և նստեցեն ճաշելու. սլաքափութիւնը շատ  
շքեղ էր, տեսակ տեսակ կերակրեղէններին. մրգե-  
լին և խմիչքներին թիւ չկար. վերջինների  
մէջ փայլում էր հայաստանի տնական զինին, որից  
անընդհատ բազմաթիւ կենացներ վայելելով՝ Եղի-  
շէն ու Ղևոնդը հասած էին ուրախութեան ամե-  
նաբարձր աստիճանին. հենց այդ ամենալաւ տրա-  
մադրութեան ժամանակ Ղևոնդը վերառաւ գինով  
լի բաժակը՝ և խօսեց այսպէս. — Ո՛վ ստեղծող Տէր,  
Դու տաս մեզ այնպիսի սէր, որ մինչև ցմահ մի-  
միանց չմոռանանք և ինչ մարդ էլ որ ինչ բարի

նպատակ ունի իւր սրտում՝ Դու բարին կատարես. »  
և դատարկեց բաժակը: Եղիշէն իսկոյն հասկացաւ  
այդ խօսքերի միտքը և ինքն էլ առնելով բաժակը  
ասաց. — Պատուելի եղբայր, կեցցես դու քո առա-  
ջարկութեամբ, ես արդէն մտածում էի քո գուստը  
Արուսեակին խնդրել իմ որդու համար, ուրեմն  
թող ամենաբարի Աստուածը կատարէ մեր երկուսի  
խորհուրդը — և դատարկեց բաժակը: Աերջայէս այս  
հարկի առթիւ միմեանց հետ բաւական երկար իօ-  
սելուց և բարեմաղթելուց յետոյ համաձայնութիւն  
կայացաւ վերջնական կերպով. Եղիշէն մի մատանի  
նշան տուեց Արուսեակին և նշանի սկզբնական  
արարողութիւնը կատարուեց. կանչեցին ծխատէր  
քահանային և նշանադրութիւնը օրհնել տալով  
սկսեցին աւելի ևս ուրախանալ, երգել, և սլարել:  
Նրանց ուրախութիւնը տեւեց մինչև կէս գի-  
շեր. յետոյ հազիւ հանգստացան: Հետեւեալ առա-  
ւօտ շտապեցին եկեղեցի: աղօթելուց յետոյ վերա-  
դարձան տուն և նորից սկսեցին շարունակել իրանց  
ուրախութիւնը մինչև ճաշ. ճաշի ժամանակ հար-  
սանեաց մասին խօսակցութիւն և փոխադարձ ա-  
ռաջարկութիւններ տեղի ունեցան. վերջայէս որոշ-  
ուեց, որ Եղիշէն տուն վերադառնալուն պէս սկսէ  
սլաքափութիւններ տեսնել հարսանեաց համար.  
նոյնը անելու էր և Ղևոնդը: Այդ օրն էլ շատ



փառաւոր ուրախութիւն անելուց լետոյ հետեւեալ առաւօտեան Եղիշէն իւր ընտանեաց հետ ճանապարհ ընկաւ դէպի իւր տունը, նախապէս շնորհակալութիւն տալով իւր նոր բարեկամ Աւոնդ Ամաղեանին, նորա դարմանալի հիւրասիրութեան համար:

Եղիշէն տուն հասնելով կանչեց իւր բոլոր բարեկամներին ու ազգականներին և լայտնեց նրանց գործի եղելութիւնը, որոնք լսելով չափազանց ուրախացան և սկսեցին խնջոյքներ կազմել և միմեանց աչքալոյս տալ: Ետ չանցաւ այդ օրից Սուրէնը աւարտեց իւր ուսման ընթացքը և վերադարձաւ հայրենիք: Եղիշէն արդէն պատրաստ էր հարսանեաց համար. նա մի պատգամաւոր ուղարկեց Էջմիածին լայտնելու Աւոնդին, որ գալու է. Աւոնդը պատասխանեց, որ կարող է գալ: Եղիշէն զամաղեանի համաձայնութիւնը ստանալով, հրաւիրեց իւր բարեկամներին ու ազգականներին, նոյնպէս խաչ-քաւորին, և նրանց լայտնեց հարսանեաց մասին, սկսեցին պատրաստուել. միասին փառաւոր նախաճաշելուց և կենացների բաժակներ դատարկելուց լետոյ Աստուած կանչելով ճանապարհ ընկան դէպի սուրբ Էջմիածին. օրը մի իջևան գնալով երեք օրից լետոյ հասան այնտեղ: Աւոնդը շատ սիրով ընդունեց և նստացրեց սենեակի մի

կողմը, իսկ նրանց հանդէպը նստացրեց իւր տեղացի բարեկամներին և սկսուեց ուրախութիւնը, որը տուեց մինչև կէս գիշեր, առաջարկութիւններին և բաժակներին թիւ ու համար չկար: Հետեւեալ առաւօտեան կատարուեց հարսանեաց սկզբնական խորհուրդը, այն է՝ քահանան օրհնեց Արուսեակի պսակի հանդերձները, երբոր ծիսակատարութիւնը վերջացաւ, Աւոնդը առաւ գինու բաժակը և արեց հետեւեալ բարեմաղթութիւնը. — «սիրելի հանդիսականներ, դուք գիտէք, որ ես էլ ուրիշ զաւակ չունիմ բացի Արուսեակը, որովհետև այսպէս է, ուրեմն ես էլ իմ յօժար կամքով իմ բոլոր կարողութիւնը կապուած եմ իմ փեսին. իմ մահից լետոյ թող նա տիրէ բոլոր իմ ունեցածներին, ուրեմն Աստուած թող օրհնէ, իմ երկու զաւակներին, Սուրէնին, և Արուսեակին»: Ժողովուրդը այս խօսքերը որ լսեց շատ հաւանեց՝ և օրհնելով նորան՝ բուլտն էլ նրա կենացը և իր որդոց կենացը խմեցին: Արուսեակը արդէն հարսնութեան շորերը հագած կանգնել էր, այս բարեմաղթութիւններից լետոյ եկաւ իւր ծնողաց ձեռքը համբուրեց և իւր վերջին մնաս բարովն ասաց իւր ազգականներին: Ետ սրտաճմլիկ տեսարան էին ներկայացնում նրանց հրաժեշտի ողջոյնները. աննկարագրելի էր Արուսեակի ծնողաց վիշտը, որ այնքան անուշեղև

1002  
1567





զրկուէին իրանց միակ դտտեր տեսութիւնից ու մխիթարութիւնից. նրանք լաց էին լինում անմըխիթար և լուսահատ կերպով: Վերջայէս մտեցաւ նրանց Եղիշէն և ասաց. սիրելի խնամիքս, անգին բարեկամներս, դուք ի զուր մի վշտացնէք ձեր ուրախ սիրտը և մի վնասէք ձեր թանկագին աչքերը. սրովհետեւ դուք ոչ թէ ձեր աղջկան կորցրիք, այլ նորա հետ ունեցաք և մի տղայ, ահա այս երկուսն էլ թողնում եմ ձեզ, թող ձեր սիրտն ու հոգին չը վրդովուի: Այս խօսքերն որ լսեցին Արուսեակի ծնողքը՝ շատ մխիթարուեցան և սիրտ առնելով վերջին անգամ համբուրեցին իրանց գաւակին և բարի ճանապարհ ասացին նրան: Կորանից լետոյ յաջորդեցին հանդիսականների անվերջ ուրախ և սիրով լի բարեմաղթութիւնները թէ բարեբաղդ կեանքի և թէ բարի ճանապարհի համար, և այսպէս ցնծութեան ու բերկրութեան անվերջ աղաղակներով ու կեցցէներով հարսնեւորները հարսնացուին առնելով ճանապարհ բնկան: Երեք օր ուրախ ճանապարհորդութիւնից լետոյ նրանք հասան իրանց տունը և սկսուեց հարսանիքը, որը տևեց եօթն օր և եօթը գիշեր: Հարսանեաց պատրաստութիւնը շատ զարմանալի էր, հարսնեւորները այնքան շատ էին, որ այդպիսի բազմութեամբ հարսանիք գեռ ևս տեսնուած չէր այդ կողմերում:

Եօթներորդ օրը վերջին անգամ հարսնեւորները ցանկալի բարեմաղթութիւնները անելով՝ յայտնեցին իրանց շնորհակալութիւնը Եղիշէին և հեռացան անպատմելի բաւականութեամբ, միշտ անջինջ պահելով իրանց օրտերում այդ փառաւոր հարսանեաց հանգէսի լիշողութիւնները:

Գեղեցիկ Սուրէնը ունեցաւ երկու դաւակ, մինը տղայ և միւսը աղջիկ. տղայի անունը գրին Ապրես, իսկ աղջկանը Արփենիկ:

Ապրեսը երբ ութ տարեկան եղաւ՝ նորան տուին ուսման, որը շատ լաջող սովորում էր, նա իր ուսումը շարունակեց կանոնաւոր կերպով, բայց ափսոս, մի անակնուկելի դէպք տակն ու վերայ արեց ամեն բան և բազդի անիւր շուռ եկաւ: Զատկի տօնին էր, գիւղացոց սովորութեան համեմատ եկեղեցու դռանը ձու էին խաղում. Ապրեսի հայր գեղեցիկ Սուրէնն էլ առաւ մի քանի ձու և գնաց իր նմանների հետ խաղ անելու և մի փոքր զուարճանալու. նա մի երիտասարդի հետ վէճի բըռնուեցաւ, որը շատ սուր կերպարանք ստացաւ, մինչև այն աստիճան, որ սկսեցին միմիանց խփել և ահա գեղեցիկ Սուրէնը այլևս չկարողանալով համբերել՝ հանեց զրպանից իւր գրչահատը և խփեց իր հակառակորդին գետին տապալեց, որը տեղն ու տեղը հօգին աւանդեց: Այս սարսափելի անցքի լուրը



կայծակի արագութեամբ տարածուեց ամբողջ գիւղը, և ահա գիւղի օգնականը իսկոյն շտապեց դէպի Եղիշէի տունը և բռնելով Սուրէնին յանձնեց բարձր իշխանութեան և վերջինը բանտարկեց նրան: Դատաստանական բոլոր գործողութիւնները վերջանալով՝ Սուրէնը դատապարտուեց ութ տարի տաժանակիր աշխատանքի և աքսորի Նախալին կղզիին: Թէպէտ Սուրէնի աղբականները և նոյն իսկ իր աներ Ղևոնդը ահագին գումարներ ծախսեցին, մեծամեծ փաստաբաններ բռնեցին ազատելու, բայց ոչ մի հնար չեղաւ:

Ապրեսը իւր հօր հետ պատահած անցքի մասին ոչ մի տեղեկութիւն չուներ. նա աւարտեց իր ուսումը և վերագառնալով հայրենիք ուրախ ուրախ պատահեց տանեցոյց և վերջինները նոյնպէս իրանց հերթում ուրախ դէմք ցոյց տուին նորան, բայց երբ բոլորի հետ ողջունեց և նստեց, տեսաւ որ հայրը չի երևում, հարցրեց իւր պապին թէ՛ ո՞ւր է հայրս, պապը լռեց. նա կրկին հարցրեց, և երբ կրկին պատասխան չտացաւ, Ապրեսը հասկացաւ որ մի գծբաղդութիւն է պատահել, սկսեց լաց լինել և ասել—միթէ իմ հայրս մահացել է. պապը ասաց— „ոչ, Ապրես ջան, չէ մահացել“. այս ասելով հանեց իր ծրցից Սուրէնի նկարը և տուեց թոռին, Ապրեսը երբ տեսաւ որ նկարի մէջ հայրը կանգ-

նած է շղթայակապ, աւելի ևս բորբոքուեց ու սկսեց մորմոքալ. և ահա նորան ձայնակցեցին տանեցիքն ևս և տունը ներկայացնում էր կասարեալ մի սուգ: Ապրեսի ձայնը սչնչով չէր կարելի կտրել, տանեցիք նորա ողբալը տեսնելով՝ իրանք լռեցին և սկսեցին հոգալ՝ որ նորան հանգարտեցնեն. և ահա նորա քոյր Արփենիկը մօտեցաւ նորան և խնդրեց, որ գնան պարտէզ մի քիչ զբօսնեն, Ապրեսը ասաց նորան և գնացին պարտէզ, քիչ զբօսնելուց լեռոյ Ապրեսը նստեց խնձորենու տակ հանգստանալու, և ահա սաստիկ մտածութեան մէջ ընկնելով քնեց. երագում ականջին մի ձայն դիպաւ— «Ապրես, Ապրես». Ապրեսը աչքերը բաց արեց և տեսաւ մի այլեզարդ ծերունի, մի ձեռքումն ունէր նիզակ, իսկ միւս ձեռքում գինով լի բաժակ, Ապրեսը սարսափեց այդ զարմանալի տեսիլքից: Ծերունին ասաց. «մի վախենար, ես սուրբ Մինասն եմ». բաժակը երկարացրեց և ասաց.— «խմիր այս գինին». Ապրեսը առաց.— «ես ինչպէս խմեմ, տէր իմ, չէ որ իմ ծերունի պապս և տատս ինձանով պիտի մխիթարուին. ես եթէ խմեմ, գինետուն երթալ կսովորեմ և այն ժամանակ իմ գերդաստանի դրութիւնը վատ կըլինի»: — Ծերունին ասաց.— «ու՜մ կենացը խմեմ. «խմիր առաջին քո Սուրէն հայրիկիդ կենացը, որ պապիդ տրտմութիւնը ուրախութեան պիտի փոխեմ,



երկրորդ՝ Սասուն գաւառի Եկեղիզի գիւղացի Գրիգորի Սիրանուշ աղջկայ կենացը, որին դու պէտք է լինիս սիրելի և նա քեզ լինի սիրուհի, և այդ սիրահարութեան պատճառաւն էլ պիտի ազատես քո հօրդ գերութիւնից իմ միջնորդութեամբ և Սասունում ամենակարող զօրութեամբ: Ապրեսը երբ սկսեց խմել բաժակը, ծերունին անյայտացաւ և նոյն բոպէին երազում երևեց Սիրանուշին և նոյն պատուէրը տուեց, ինչպէս Ապրեսին էր տուել Սիրանուշը, քնից զարթնեց և սկսեց սիրել կրակով այրուել և անհամբեր սպասել Ապրեսի գալստեանը:

Ընթերցողին տանենք Ապրեսի մօտ:

Ապրեսը սկսեց այդ հրաշքի վերայ ընկնել սաստիկ մտածութեան մէջ. այդ բոպէին վերայ հասաւ պապը և ասաց, — Ապրես ջան, ինչո՞ւ ես այդքան երկար մտածում, զուր մի մտածիլ, որդիս, կեանքիդ վնաս կը պատճառես, Սասունում ողորմած է: Ապրեսը էլ չկարողացաւ բերնով պատասխանել, այլ միայն մի սազ ուզեց պապից իրեն ցաւերը պատմելու համար: Պապը այգեպանին ուղարկեց տանից սազ բերել տուեց, նա հասկացաւ որ հրաշք է տեսել: Ապրեսը առաւ սազը ձեռքը և երգեց այս երգը:



Խնձորենու տակին մի երազ տեսայ,  
Սիրահար տուեցին ինձ Սիրանուշին,  
Պարտէզի ծաղկանց մէջ նա դեռահաս է,  
Սիրահար տուեցին ինձ Սիրանուշին:

Երգի ձայնը տուն հասաւ, լսեցին տատը, մայրը և քույրը և եկան հաւաքուեցան Ապրեսի գլխին, Ապրեսը սկսեց շարունակել միւս տները:

Սասուն ցոյց տուեցին իմ ճանապարհ,  
Որ այնտեղ նորանէն ազատեմ հայրս,  
Պաշտպանիր չթողմեն քույրս ու մայրս,  
Սիրահար տուեցին ինձ Սիրանուշին:

Օրհնէ, պապս, Ապրես ճանապարհորդին,  
Մինչ երբ մնայ հայրս ի մէջ թակարդին,  
Ուրախութեամբ տուն կդառնայ ձեր որդին,  
Սիրահար տուեցին ինձ Սիրանուշին:

Ծնողները հասկանալով երգի միտքը, շատ թախանձեցին որ չգնայ, բայց Ապրեսը չհամոզուեց և ասաց. — անհնարին է, պէտք է գնամ իմ նպատակըս կատարելու, որովհետև Տիրոջմէն է ինձ տուած այս պատուէրն. պապը հասկացաւ, որ Սասունումնից է չհակառակեց և ասաց. — «Որդիս, հասկացայ քո երգի միջով ասածդ, որ պէտք է ազատես հօրդ, ահա այդ պատճառով ես քո անունդ ալտուհետև



կանուանեմ աշուղական կարգով Ագատ: Ապրեսը կամեցաւ որ պապի ձեռքը համբուրէ և մնաս բարեաւ ասէ, բայց պապը նրան արգելեց և ասաց.— «սպասիր մի քանի խօսք ունիմ ասելու, ասեմ և յետոյ Աստուած հետդ լինի: Ձեռնափայտը սագ արեց և սկսեց երգել այս ողբալի երգը:

Աքաղաղը կանչում է վաղ, արեգագո շուտ արի  
ձանապարհդ կ'սպասենք, արուսեակս շուտ արի  
Ո՛հ մնացինք մութ խաւարում, թառամեց  
վարդենիկդ,  
Արա՛ մեզի այցելութիւն, քաջ սոխակս, շուտ  
արի:

Քանդուեց կեանքիս արձանը, եղաւ ամեն ցիր ու  
ցան,  
Խելագարուած ման եմ գալիս, չունիմ ինչ մի օ-  
թեան,

Լաց ու կոծով օրերս անցաւ, շուտ կ'մտնիմ գե-  
րեզման:

Աւետաբեր աղաւնեակս, լուսնթագս, շուտ արի:  
Ո՛հ, Եղիշէն աղաչում է Եհովա-Տէր-Իշխանին,  
Հայրդ աղաաէ շղթայից, ինչպէս արաւ Շիղային,  
Ուրախութեան ձայն մի տայիր մեզ, երգերով  
պար խաղային,

Չեմ օռանայ մինչի մահս, իմ թոռնակս, շուտ  
արի:

Երգը վերջացնելուց յետոյ Ապրեսը կամեցաւ գը-  
նալ, քօյրը տեսաւ որ եղբայրը հաստատ գնալու է՝  
խելքը թռածի պէս եղաւ, ձեռքը երկարացրեց  
մագերի հիւսերից մէկը դրեց կուրծքին և սկսեց  
երգել հետևեալ երգը.—

Իմ թանկագին եղբայրս, ուր ես գնում,  
Թշնամին մեզ վերայ ծաղրել պիտի տաս,  
Ինչի և խղճալի մայրիկիս թողնում,  
Թշնամին մեզ վերայ ծաղրել պիտի տաս:  
Եղբայրս

Մի լար, իմ նագելի քօյրս: մի լար դու,  
Թող ծաղրեն թշնամիք, հէջ չկալ վնաս,  
Լեր խղճալի մայրիկիս մխիթար դու,  
Թող ծաղրեն թշնամիք, հէջ չկալ վնաս:

Քայրս

Թանկագին օրերը թռաւ ձեռքներէս,  
Ինչ որ բարեկամ կար՝ դարձրեց երես,  
Առանց պաշտօյան, լալով մեզի թողնում ես,  
Թշնամին մեզ վերայ ծաղրել պիտի տաս:

Եղբայրս

Չենք մնայ խաւարի մէջը մշտական,  
Աստուած ողորմած է, մի լար, քօյրիկ ջան,





Ինձի երկու կողմից սպասողներ կան,  
Թող ծաղրեն թշնամիք մեզ, չկայ վնաս:

Ք օ յ ը

Արվենիկն եմ, օրըս լալով անցկացաւ,  
Հնացած վերքերս այսօր նորացաւ,  
Արտասուքն երեսին, ո՛հ, հեղեղ դարձաւ,  
Թշնամին մեզ վերայ ծաղրե՛լ պիտի տաս:

Ե շ ք օ յ ը

Ազատին եմ, պիտի ազատեմ հայրս,  
Մի լար, կուրախանաս վերջին, իմ քոյրս,  
Սիրանուշի սէրը ծակեց իմ լեարդս,  
Թող ծաղրեն թշնամիքը, չկայ վնաս:

Սյս երգը վերջացնելուց լետոյ— «մնաք բարեաւ»  
ասելով ընկաւ ճանապարհ: Ազատու պապը, տատը,  
մայրը և քոյրը նորան ճանապարհ քցեցին գիւղից  
դուրս մինչև աւերակ վանքի մօտը անասելի լա-  
ցով ու կոծով:

Ազատին շատ աղաչեց և համոզեց նրանց լետ  
գառնալ, բայց նրանք չէին համոզվում, այդ տեղ  
վեր առաւ սազը և երգեց այս երգը:—

Վերջին բարևս ձեզի տամ,  
Մնաք բարեաւ, պապս, տատս,

Միք վրդովուի, ես շուտ կուգամ,  
Մնաք բարեաւ, մայրս ու քոյրս:

Օրհնութիւն տո՛ւր, մայր հարազատ,  
Որդուդ ցաւն է հագարից շատ.  
Բարեխօսէ թող՝ ինձ քօ կաթ,  
Մնաք բարեաւ, պապս ու տատս:

Պէտք է գնամ գտնեմ հայրս,  
Բնւ է դու ողբաս, իմ մայրս,  
Թող քեզ մխիթարէ քոյրս,  
Մնաք բարեաւ, մայրս ու քոյրս:

Ազատուս օրհնէք, ծերունիք,  
Գերութեան մէջ որդի ունիք,  
Լինի՛մ աւետող աղաւնիկ,  
Մնաք բարեաւ, պապս ու տատս:

Երգը վերջացնելուց լետոյ ձեռքերը համբուրեց,  
վերջին հրաժարական ողջոյնը տուեց, և ճանա-  
պարհ ընկաւ դէպի Կարս քաղաքը. ճանապարհն  
մտածման մէջ ընկնելով՝ ճանապարհը կորցրեց և  
սկսեց ամալի տեղերով գնալ, բայց յանկարծ ուշքի-  
գալով տեսաւ որ մոլորուած է, կանգ առաւ և  
սկսեց չորս կողմը նայել որպէս զի ճանապարհը  
գտնէ, բայց տեսաւ որ ոչ մի կողմ որևէ հետք,  
չի նկատվում՝ սաստիկ յուսահատուեց իւր անբաղ-



գութեան վերայ, սաղը ձեռքն առաւ և սկսեց երգել այս երգը:

Ո՛վ եղաւ, արդեօք, ինձ պէս խեղճ մօլոր,  
Աչքս բացուեց տեսաւ խոցերս ինձի,  
Պէտք է այստեղ արտասուեմ ցաւս բոլոր,  
Անմարելի այրում են բոցերս ինձի:

Ստեղծող, փարատէ, հոգիս է տկար,  
Նպատակներ ունիմ, անց չի կենան զուր,  
Պէտք է Սիրանոյշին գնամ լինիմ հիւր,  
Ճամբէս են կորուցել հոգսերս ինձի:

Ազատին ասաց.— «Ես, երանի՛ ես այս սիրահարութեանը չ'պատահէի և այս ամալի տեղում չը մեռնէի և իմ ձեռքով իմ թշնամու վրէժը առնէի: Նոյն րոպէին սուրբ աւետարանի խօսքը լիշեց— «և որ համբերեսցէ իսպառ նա կեցցէ» և շարունակեց միւս տունը:

Վրէժ լուծել կուզես՝ զո՛ւր է, Ազատ,  
Այդ քոյ մտածմունքդ մըրուր է, Ազատ,  
Այսօր հոգիդ քեզի հիւր է Ազատ,  
Խաւար են ցոյց տալիս լուսերս ինձի:

Երգը վերջացնելուց լետոյ քիչ առաջ զնաց ու մէկ բարակ ճանապարհի պատահեց, այդ շաւղով

կէս ժամաչափ առաջ գնալով պատահեց մի աւերակ վանքի, որի վերայ բազէն սաւառնում էր անընդհատ. Ազատը կամեցաւ նորան հեռացնել, գոռաց, նշանացի ցոյցեր արեց, բայց բազէն մնաց անտարբեր, և շարունակում էր ճախրել վանքի վրած կաթուղիկէի վերայ: Ազատու համբերութիւնը հատնելով՝ ներս մտաւ վանքի մէջ և տեսաւ, որ մի աղաւնի կուչ է եկել մի անկիւնում և իւր ձագերը թողել է անպաշտպան, բազէի անգթութեան որս լինելու: Ազատու սիրտը կտրատուեց և կարեկցութիւնը շարժուելով՝ փորձեց բազէին վախեցնել սազի ձայնով, բայց դարձեալ նա մնաց անտարբեր: Ազատը նորա յամառութիւնը տեսնելով սկսեց նորան անիծել հետևեալ երգով:

Մի թռչիւր, աղաւնի, մի թռչիւր, թագ կաց,  
Գեռ ևս բազէի ճանկերը սուր են,  
Թակարթներ է լարել նա միշտ քո գիմաց,  
Նորա փետուրները պողպատէ թուր են:

Անգութ բազէ, չարութեան կ'հետևես,  
Աշխարհի երեսին մինչև երբ տևես,  
Բոլոր թռչունների մէջ անպիտան ես,  
Քեզի նետահարող որսորդներն ո՛ւր են:

Տարածել է բնիդ վերայ թևերը,  
Անխղճիցը ազատէ՛ Տէրը,



Ազատուելու կոպտանքս ձագերը,  
 Լալագին աչքերով տրտում տխուր են:  
 Իսպառ Ազատը տեսած չէր այդպէս բան,  
 Խեղճ աղաւնին չունի իրան պահապան,  
 Բազէ, միտ բեր, բեզ էլ ուտողներ շատ կան,  
 Սորանց պէս քս ձագերդ էլ կը մոլորեն:

Այս երգը աւարտելուն պէս տեսաւ, որ մի որսորդ իր բարակներով գալիս է դէպի իր մօտը, եկաւ նա և հարցրեց. — «Տ՛յ մարդ, այս քնչ երգի ձայն էր». — Ազատին ասաց. տեսնում ես, այս անգուլթ բազէն կամենում է փախցնել այս խեղճ աղաւնուն 'և իւր ձագերին. որսորդը նայեց դէպի բազէն և հրացանը ուղղեց ու նորան իսկոյն գետին վայր ձգեց, վազեց բռնեց, փետուրները այրելով մարմինը լօշոտեց և տուեց իւր բարակներին. որոնք իսկոյն ազահաբար լափեցին:

Ազատը մօտեցաւ նրան և շնորհակալութիւն յայտնեց, որ նա ազատեց իրեն խղճահարութիւնից, իսկ աղաւնին ուրախութիւնից սկսեց վեր բարձրանալ օդի մէջ և ճախրել ազատ կերպով:

Ազատին այդտեղից շարունակեց իւր ճանապարհը և հասաւ Պարեգետին, շատ վայր ու վեր անելով չկարողացաւ մի յարմար և անվտանգ անցք գտնել, օրն էլ տարածամ լինելով՝ վճռեց մի ապաստան գտնել, այդ նպատակով նա նստեց մի մեծ քարի տակ և ինքն իրեն մտածեց. — «Եթէ աւազակներ էլ պատահեն այստեղով անցկենալու, կգան ինձ կ'նկատեն» — բայց այնուամենայնիւ վախից դողում էր և սոււմ էր. — «Եթէ ինձ աւազակներ պատահեցին՝ անպատճառ պէտքէ սպաննեն և ձգեն գետը, և ո՞վ արգեօք կարող է իմանալ թէ՛ Ազատը քնչ եղաւ...: —

Մինչդեռ այսպէս մտածում էր, աչքերը վեր դարձրացրեց և տեսաւ, որ երեք ձիաւոր գալիս են դէպի իրեն՝ սկսեց պահ մտնել քարի տակը, բայց իզուր, ձիաւորները նորան հեռուից տեսած լինելով՝ ուղի վերան կանգնեցին. Ազատը իրան քնած ձեւացրեց. նրանցից մէկը նիզակի ծայրով բրթեց, բայց նա շուռ գալով միւս կողմի վերայ՝ շարունակեց քնել. նրանք բարձրաձայն ասացին. — «Տ՛յ մարդ վեր կաց, տեսնենք դու ո՞վ ես, որտեղացի ես, ո՞ւր ես գնում». — Ազատը աչքերը բաց արեց և թռաւ կանգնեց ու ասաց. — ես Շիրակայ գաւառիցն եմ, գնում եմ Կարս քաղաքը, բայց այս դետից չկարողանալով անց կենալ՝ մնացի այստեղ մոլորուած և վճռեցի դիշերը այստեղ անցկացնել, մինչև ի լոյս մի մարդ հասնէ ինձ անցկացնէ իւր ձիովը»: Ձիաւորները ասացին. — «աշուղ բեզ այստեղ մնալը վնասակար կ'լինի, դուցէ աւազակներին զոհ լինիս,

Ազատը մտածում էր, աչքերը վեր դարձրացրեց և տեսաւ, որ երեք ձիաւոր գալիս են դէպի իրեն՝ սկսեց պահ մտնել քարի տակը, բայց իզուր, ձիաւորները նորան հեռուից տեսած լինելով՝ ուղի վերան կանգնեցին. Ազատը իրան քնած ձեւացրեց. նրանցից մէկը նիզակի ծայրով բրթեց, բայց նա շուռ գալով միւս կողմի վերայ՝ շարունակեց քնել. նրանք բարձրաձայն ասացին. — «Տ՛յ մարդ վեր կաց, տեսնենք դու ո՞վ ես, որտեղացի ես, ո՞ւր ես գնում». — Ազատը աչքերը բաց արեց և թռաւ կանգնեց ու ասաց. — ես Շիրակայ գաւառիցն եմ, գնում եմ Կարս քաղաքը, բայց այս դետից չկարողանալով անց կենալ՝ մնացի այստեղ մոլորուած և վճռեցի դիշերը այստեղ անցկացնել, մինչև ի լոյս մի մարդ հասնէ ինձ անցկացնէ իւր ձիովը»: Ձիաւորները ասացին. — «աշուղ բեզ այստեղ մնալը վնասակար կ'լինի, դուցէ աւազակներին զոհ լինիս,



արի մի երգ երչէ, մենք քեզ կանցկացնենք: Ազատին համոզուեց, որ ձիաւորները արգարե աւազակներ չեն՝ սիրտ առաւ և սազը ձեռքը առնելով սկսեց գովել նրանց հետեւեալ երգով:

Եղբարք, մատաղ լինիմ ձեզի,

Անցկացրէք ինձ գետից,

Գովեմ գովաբանեմ ձեզի,

Անցկացրէք ինձի գետիցը:

Սպիտակ նժույգ ձիերդ . . .

Շողշողում են նիզակներդ,

Անյաղթ լինին սուսերներդ,

Անցկացրէք ինձ գետիցը:

Շուտով հասաք օգնութիւնիս,

Խաւարիցը հանեցիք լիս,

Կօրհնէ ձեզ միշտ Ազատիս,

Անցկացրէք ինձ գետիցը:

Այս երգը աւարտելուց լետոյ ձիաւորներին մէկը նրան անցկացրեց գետի միւս կողմը: Ազատը նրան հարցրեց գիւղի հեռաւորութիւնը, նա ցոյց տուեց մօտակայ բլրի տակին. Ազատը շնորհակալութիւն յայտնելով՝ շարունակեց ճանապարհը և հասաւ մինչև բլուրը, գիշերը վերայ հասնելով այլևս չկարողացաւ մի կերպ բլուրը անցկենալ և հասնել

մինչև գիւղը, ուստի նստեց մի ապառաժ քարի տակ և սկսեց տրտմել իր գրութեան վերայ, և սրտի խորքից մէկ «նի» քաշելով սազն առաւ և սկսեց երգել այսպէս.—

Լուսացո՛ւ Տէր Աստուած, ցաւերս շատ է,

Ինձի ճանապարհիս խրատիչ կուզեմ,

Այս խաւարի միջէն ինձի ազատէ՛

Կորուցած հայրիկիս որոնիչ կուզեմ:

Անհովիւ ոչխար եմ, մնացի սարին,

Անիւս գողարեց, դեմ առաւ քարին,

Գու ես ինձի տուել, կրնդունեմ բարին,

Թշուառիս խրատող ուսուցիչ կուզեմ:

Բազմացան վերքերս մէկը մէկէն խառ,

Գարձել եմ մէկ թիթեռ, կրակն ընկալ վառ,

Ասող չկայ, Ազատ, ճանապարհդ առ,

Ուրբ Մինասի նման մէկ վրիկիչ կուզեմ:

Այս երգը աւարտելուց լետոյ լաց եղաւ, ու անտանելի վշտացած հոգով ընկաւ քնի մէջ. շատ քնեց թէ քիչ՝ Աստուած գիտէ, մէկ էլ աչքերը բաց արեց և տեսաւ իրան գիւղի մօտ մի սլափ տակ նստած՝ զարմացաւ և ինքնիրան ասաց.— անշուշտ, այս հրաշք է, և Աստուածանից է— .



փառք տուեց Տիրոջը և զլուխը վեր բարձրացնելով  
իր հանդէպ տեսաւ մի բարձր դուռ, ասաց.— այս  
տան տէրը անպատճառ հարուստ կ'լինի կգնամ նրան  
կասեմ՝ որ ինձ ընդունէ հիւր, և այդտեղ զիշե-  
րելով միւս օրը կգնամ Կարս». այդպէս էլ արեց,  
գնաց խնդրեց, բայց ամսոս որ ներս չընդունեցին,  
անցաւ մի ուրիշի դուռ խփեց, բայց դարձեալ ի-  
գուր, այդպէս քառասունի չափ դռներ խփեց, բայց  
դարձեալ ոչինչ չեղաւ: Այդպէս դռնեղուռ այնքան  
թափառեց՝ որ լուսացաւ. առաւօտեան քաղցած ճա-  
նապարհ ընկաւ, տասը ժամի չափ գնալով հասաւ  
մի գիւղ և դարձեալ դիմեց մի մեծ դռան, որտեղ  
բաւական մարդիկ էին հաւաքուած, խնդրեց  
տան տիրոջից անդրսագին որպէսզի մի գիշեր հիւր  
լինի նորա տանը. տան տէրը ամաչելով մարդկանց  
բազմութիւնից ներս ընդունեց և մի տեղ ցոյց  
տուեց նրան նստելու: Տան տիրոջ անունը Առաքել  
էր, նա շատ գանդաղ մարդ էր և գրեթէ խօսելու  
ընդունակութիւնը կորցրել էր, որովհետեւ նա մարդ-  
կանց մէջ մտնելու սովորութիւն չուներ, նա ան-  
հոգ կերպով Ազատու ժօտ նստեց և ծխում էր,  
առանց մտածելու թէ Ազատը որքան քաղցած է.  
վերջապէս տան հարսներից մէկը առանց ասելու  
հաց բերեց. թէև բերած հացը մի հարուստ ճաշ  
չէր, չոր հաց և մի աման թան, բայց Ազատու

համար շատ թանկագին էր, որը շատ ախորժակով  
կերաւ և հանգիստ քնեց: Առաւօտեան զարթնեց  
շուտով սկսեց պատրաստուել որ ճանապարհ ընկնի.  
Առաքելը եկաւ և զայրացած ասաց.— « սյ աշըղ,  
ինչ անպիտան մարդ ես, որ առանց մի երգ ասե-  
լու պէտք է գնաս, դէհ, մի երգ ասա լետոյ գնա,  
Աստուած հետդ լինի.— Ազատը սազը առաւ նրո-  
տեց ու սկսեց երգել այսպէս.—

Յնճում ես փարթամութեանդ, հո՛ւր է ուրա-  
խութիւնդ,

Ժողովել ես գանձ թանկագին, զո՛ւր է ուրա-  
խութիւնդ,

Մէկ թօփ կտաւ բաժին ունիս, թէ՛ որ այն  
էլ չըճարուի՝

Կիջեցնեն մերկ տապանը, ո՛ւր է ուրախու-  
թիւնդ:

Ոչնչից ես դու գոյացած, բոյս չունիս, հոգէ  
աման,

Չոր ճանապարհ կ'ըջես, յոյս չունիս, հոգէ  
աման,

Թէ վայր ընկար՝ կ'կոտորուիս, յոյս չունիս, հոգէ  
աման,

Ինչ պէտք է տիրոջդ ասես, սուր է ուրա-  
խութիւնդ:





Հողանիւթից ստեղծուած ենք, ցաւալից է մեր  
օրը,

Սուրբ գրքերը լաւ կ'սլատմեն, անցքերը նա-  
խահօրը,

Քրիստոսով պէտք է գտնենք մեր բաղձանք բոլոր,  
Ազատ, պահօք և աղօթիւք բիւր է ուրախու-  
թիւնդ:

Առաքելը բան չհասկանալով երգից՝ շատ շնորհա-  
կալ եղաւ Ազատուց. վերջինը նոյնպէս շնորհակալ  
եղաւ և մնաս բարով ասելով ճանապարհ ընկաւ  
գէպի Կարս: Ճանապարհին երեք աշուղ պատահե-  
ցին նորան, նրանցից միայն մէկը ճանաչեց Ազա-  
տուն և կեղծաւորաբար հարցրեց նրանից— « աշուղ  
աղբէր, որտեղացի ես: Ազատը պատասխանեց—  
Մուղերիսցի եմ. մի քիչ որ գնացին՝ աշուղը բնկեր-  
ներին աչքով արեց, լետ ընկան և նրանց ասաց—  
» տղէք, գիտէ՞ք այս ով է.— նրանք պատասխանեցին  
— « ոչ »— նա ասաց.— « սա Մուղերիսցի Եղիշէի  
թոռն է, գնում է Հայաստան սիրահարութեան  
պատճառաւ, բայց Կարսում մնալու է, որպէզի ճա-  
նապարհածախս աշխատի և լետոյ շարունակէ իւր  
ճանապարհը, բայց մեր բանը վատ եղաւ, նա որ  
գնաց Կարս, մեր նշանակութիւնը կկորչի, որովհե-  
տե և նորա համբաւը մի ամիս է որ տարածուել է  
իբրև շատ լաւ երգող աշուղ: » Ընկերները համա-

ձայնուեցին և մտածեցին հետեւալ խորամանկու-  
թիւնը.— « գնանք այս մօտակալ գիւղը և մի նա-  
մակ գրենք իրան ազգականների կողմից թէ՛— »  
Ազատի, այս նամակը ստանալուդ պէս, շուտով գաս  
հասնիս տուն, որ մեծ վնաս է պատահել, պապգ,  
տատգ և մայրդ մահացել են. » այսպիսով նա իսկոյն  
կհեռանայ Կարսից: Այդպէս էլ արին, գնացին մօ-  
տակալ գիւղը, նամակը պատրաստեցին և շտապեցին  
Կարս, մի գիշեր մնացին, հետեւալ օրը բաւական  
ման գալուց լետոյ հաղիւ պատահեցին Ազատուն,  
որք մի պարոնի հետ գնում էր Գարեգինի սրճա-  
րանը, (բոլոր երգողները այնտեղ էին հաւաքուում),  
նրանք հետի մարդուն լետ կանչեցին և նամակը  
յանձնեցին նրան՝ որ նա էլ Ազատուն տայ և նրան  
յայտնեցին հանգամանքը և ցաւակցութիւն ցոյց  
տուին, որ Ազատուն այդպիսի դժբախտութիւն է  
պատահել, որ յանկարծ զրկվում է իր ընտանեաց  
երեք անդամներից: Մարդը նամակը հասցրեց Ազա-  
տուն. նա կարգաց և հարցրեց թէ՛— « այս նամակը  
ո՞վ տուեց քեզ, » նա ասաց.— « աշուղներ էին »—  
Ազատը իսկոյն հասկացաւ գործի եղելութիւնը, որ  
թշնամութիւն է այդ. բայց որովհետև ալդ գիշեր  
վատ երազներ էր տեսել, այդ պատճառաւ շփոթ-  
ուեց ու թերահաւատեց, հետեւալէս վճռեց վերա-  
դառնալ տուն և ստուգել հանգամանքը, Սար ու



քար ստքի տակ առնելով եկաւ մինչև իրենց գիւղի սահմանը. բայց չկամենալով ցերեկով մտնել գիւղ, որպէս զի չճաղրուէի, մնաց մինչև մութը ընկնելը, սկսեց տխրել ու լաց լինել իր բաղգի վերայ: Սազն առաւ ու երգեց այսպէս:

Այս անիրաւ բաղգը ինձի քնչ արաւ,  
 Մանուկ հասակիս մէջ զրկեց լաւ օրից,  
 Ուրախ գուարճութիւնք չտեսայ բնաւ,  
 Իսպառ կարօտ թողեց իմ գերգաստանից:

Հազներգութիւնով իմ ցաւերս եմ խօսում,  
 Ամեն օր, ամեն ժամ, վատ լուրեր լսում,  
 Արտասունքն աչքերիս, արիւն է հոսում,  
 Չորացաւ ծաղիկս, թափուեց արմատից:

Ողբո՛ւ, Ազատ, ընկար, էլ կանգնել չունիս,  
 Թառամեցաւ բողբոջ սիրտդ վարդի պէս,  
 Այս ի՛նչ դառը վիճակի մէջ ծնուայ ես,  
 Մէկ օր աչք չեմ բանում, կսկծաղին լացից:

Այս երգը վերջացրեց թէ չէ՝ արևը մայր մտաւ. նա եկաւ իրանց տան լուսամտի տակը նստեց, ահանջ արեց, տեսաւ որ բուրն էլ առողջ են և նստած հաց են ուտում, շատ ուրախացաւ ու ասաց. — « վեց օր է որ տանից դուրս եմ եկել, հիմայ սր լայանուիմ՝ գուց էինձ չթողնեն հեռանալու,

ուստի լաւ է որ շարունակեմ ճանապարհս» —, նա վերադարձաւ դէպի Կարս: Նորա համար անտանելի էր աշուղների խաբեբայութիւնը, այդ պատճառաւ սօսը առաւ և սկսեց նրանց անիծել այսպէս. —»

Գատի՛ր տէր իմ, խաբեբային,  
 Արմատախիլ արա՛ բոյսը,  
 Ներքնագործին ու կախարդին  
 Մարէ՛ վառ արեգի լոյսը:

Ազի արտասունք թափեցին,  
 Քաղցրախօս լեզուով խաբեցին,  
 Վրեժս լուծէ՛ Միածին,  
 Ամեն տեղից կտրէ՛ լոյսը:

Ազատ, արի և համբերէ,  
 Քո պարզ սիրտդ մի վրդովէ,  
 Քեզի ատողներին սիրէ,  
 Կանչէ՛ փարատիչ Յիսուսին:

Այս երգից լետով շարունակեց ճանապարհը, օրը մէկ իջեաւ գնալով հասաւ Կարս. գնաց իր բարեկամի տունը, և նրան հետը առնելով գնացին սրճարան: Աշուղները իմանալով Ազատու գալը, չնայելով որ բաւական աշխատել էին, թողին ու հեռացան Կարսից: Ազատը ներս մտաւ սրճարան, տեսաւ



որ մի կողմը լուսաւորչականներեն նստած իսկ միւս  
 կողմը բողոքականներ և վիճում են միմիանց հետ,  
 լուս նստեց, սրճարանի մարդիկը առաջարկեցին  
 նրան որ մի երգ երգէ որպէսզի այս վեճերին վերջ  
 տրուի, նա համաձայնուեց և սազը առնելով երգեց  
 այսպէս. —

Ազնիւ արիւնտով ենք զնուած, մէկ բարի բոյս  
 ունենանք.

Չմոռանանք Փրկչի մահը, հաստատուն լոյս  
 ունենանք,

Սպառազէն առաջ գնանք, կռուենք չարին  
 դէմ—առ—դէմ

Սիրով Տ. Յիսուսին կանչենք և խրախոյս  
 ունենանք:

Փրկիչ որդուն պատրուեսալ ենք, դատարկա-  
 բեր չլինինք,

Մուրրցնող և խաբբայ չարերին մեր չլինինք  
 Նման և այն մաքսաւորին խնդրենք, անսէր  
 չլինինք,

Տիրոջ անուետովը ցնծանք, և պայծառ լոյս ու-  
 նենանք:

Յի ստեղծող, Ազատ ծառագ հառաչում է, լուր  
 մեզի,

Տիւ և գիշեր աղաչում է, չ'պատահի զուր  
 մեզի,

Սամարացուն տուած ջրիդ ծարաւեալ ենք,  
 տուր մեզի,

Քանզի գին ենք քո սուրբ արեան, քեզ բա-  
 րեխօս ունենանք:

Այս երգից յետոյ սրճարանի մարդիկը մի-մի ոսկի  
 տուին Ազատուն ընծայ: Ազատին պատրաստուում  
 էր գնալու, այդ բանը նկատելով սրճարանի մար-  
 դիկը նորից խնդրեցին, որ մի երգ էլ երգէ յետոյ  
 գնալ: Ազատը սազը առաւ ձեռքն ու սկսեց եր-  
 գել այսպէս. —

Մուրրցնող չարերու մէջ չմնանք,

Հաղորդենք մէկզմէկու սէ, է, ըէ.

Թէ որ կուզէք արքայութիւնը գնաք,

Նուիրէք աղքատին խէ, է, ըէ:

Արթուն կացէք Փրկչի գալուտեան համար,

Չէ որ իսկ նա է մեզ ճիշտ ազատարար,

Պատի կերթանք թէ մեծ թէ պտտիկ գումար,

Բարեխօս է մեզի մէ, է ըէ:

Ազատ, դարձել ես դուն այլոց խրատ,

Չէ որ անձիդ ունիս անմարել հրատ,



Ծանր մեղքեր էլ կան դրած քո վրադ,  
Քո սուրբ Փրկչին միտքդ բեն, է, բէ:

Երգը վերջացնելուց լետոյ շատ շնորհակալ եղան  
և Ազատուն մի մի բերան բարեմաղթութիւն անե-  
լով ցրուեցան: Ազատն էլ սրճարանապետին վճա-  
րելով իր հաշիւը, շնորհակալութիւն լալտնելով,  
կարաւանի հետ ընկաւ ճանապարհ և մի օր և գի-  
շեր գնալով հասաւ Կաղզուան: Այնտեղ գնաց եկե-  
ղեցի, աղօթեց և եկեղեցին արձակուելու ժամա-  
նակ դուրս եկաւ եկեղեցու դուռը կանգնեց որ-  
պէսզի մինը հրաւիրէ գիշերելու կամ իւր տունը  
հիւր մնալու: Եւ յիրաւի Զաքար աղան դուրս գա-  
լով՝ նորան առաջարկեց գնալ իւր ետեւից. երբ որ  
տուն հասան՝ նորան հարց ու փորձ արեց թէ ո՞վ  
է, ո՞րտեղացի է, ո՞ւր է գնալու. Ազատը հանգա-  
մանօրէն պատմեց և լետոյ քնեցին: Առաւօտեան  
Ազատը վեր կենալով կամենում էր ճանապարհ  
ընկնել, բայց Զաքար աղէն նորան արգելեց և հաց  
բերել տուեց, հացը որ կերան՝ Ազատուն ասաց.— «  
այ աշուղ, տեսնում ես ի՞նչ դրութեան մէջ եմ,  
թշնամիքս ինձ հանգիստ չեն թողնում, անտանելի  
ցաւերի մէջ եմ գտնվում, գոնէ մի երգ էլ ասա՛,  
մի քիչ սիրաս մխիթարիր՝ թէ շնորք ունիս, լետոյ  
Աստուած հետդ լինի,» — Ազատը սազն առաւ և  
սկսեց երգել այսպէս.—

Թէ Աստուածդ կսիրես, չարին համբերէ,  
Տար սիրով վշտերդ, մեծ Յոբի նման,  
Երջանկութեան մէջ ես, բարին կատարէ,  
Ամենքն էլ քեզ օրհնեն Յակոբի նման:

Հայ ծնար, հայ մեռիր, Հայկայ բարբառով,  
Շուրջ սեղանդ պատեն որդւով և թոռնով,  
Կարգան պատմութիւնդ թանկագին ճառով,  
Գեղեցիկ Արայի, Յովսէփի նման:

Ազատը կասէ.— « տար թշնամուդ բեռը,  
Թող աստուածը անէ արգար վճիռը.  
Քանզէ սրտիդ միջի վատթար կնճիռը,  
Մեքենայով շինուած սուր խովի նման:

Երգը վերջացնելուց լետոյ Զաքար աղէն շատ  
շնորհակալ եղաւ և մի նժույզ ձի ընծայեց նրան:  
Ազատն էլ իւր կողմից խորին շնորհակալութիւն  
լալտնելով՝ ճանապարհ ընկաւ, օրը մի իջևան գնա-  
լով հասաւ Խնուսի դաշտը և մօտենալով Մարու-  
ֆայ գիւղին, սանձը տուեց ձիուն և ձին գնաց  
կանգնեց Յովհաննէս անունով մի մարդի դուռը:  
Յովհաննէսի ծառաները եկան ձին բռնեցին և Ազա-  
տուն իջեցնելով տուն հրաւիրեցին: Ազատը ներս  
մտնելով սղջունեց Յովհաննէսին և կանգնեց,—  
Յովհաննէսը ողջոյնը ընդունելով ասաց— « որդիս,



դու իմ տունս գիտութեամբ եկար թէ պատահմամբ նա պատասխանեց.— աւոյո, պատահմամբ եկալ, միայն սանձը տալով ձիուս, ուխտել էի— սը դռան մօտը որ կանգնեց՝ այնտեղ էլ իջնեմ— և այնպէս եկաւ քո դուռը կանգնեց»։ Յովհաննէսը որ այս լսեց, գլուխը վեր բարձրացրեց և ասաց— Վառք քեզ Աստուած, փառք, որ դու Եղիշէի հացը չթողիր ինձ վերայ և նորա լաւութիւնը չ'կորցրիր— և լետոյ դառնալով Ազատուն ասաց.— դու դեռ երեք տարեկան էիր, որ ես եկալ ձեր տունը և պապդ ինձ մի ամբողջ ամիս պահեց. երբ վերադարձալ մեր երկիրը միշտ Աստուած էի կանչում, որ պապիդ երախտեաց տակից դուրս գամ. և հիմայ փառք իրան, որ չ'կորցրեց և իմ բաղձանքս կատարեց, էհ, որդիս, հիմայ ինչ նպատակի համար ես գնալու արգեօք»։ Ազատը բոլոր հանդամանքը պատմեց նրան. Յովհաննէսը երբ որ իմացաւ, շատ և շատ ափսոսաց Եղիշէին։ Ազատը ասաց.— « ափսոսալու օրը անց է կացել, ես մինչև այստեղ եկել եմ, բայց էլ չեմ վրստահանում գնալ, որովհետև վախենում եմ քիւրդերից, քանի որ նրանք այս միջոցներում շատ սարսափելի բարբարոսութիւններ են կատարում, եթէ ես նրանց պատահեցի, անշուշտ ինձ էլ կ'վնասեն, ուրեմն՝ խնդրում եմ, որ ինձ մի ընկեր շնորհես, որպէսզի ինձ ուղեցոյց և ընկեր

լինի մինչև Սասուն»։ Յովհաննէսը ասաց.— « շատ լաւ, առաւօտեան ես քեզ մի ընկեր կ'տամ հէնց Սասունցի մի մարդու, որ է քաջ—Սրաբօն»։ Գիշերը հանդստացան, առաւօտեան Ազատը վաղ զարթնեց և սպասում էր Յովհաննէսի գալուն. Յովհաննէսը եկաւ և մի մարդ ուղարկելով դրացու տանից բերել տուեց Սրաբօն, և յայտնեց իր կանչելու նպատակը, այն է՝ առաջնորդէ Ազատուն մինչև Սասունի Ենեիկ գիւղը։ Սրաբօն ասաց, թէ դու ինձ կանչած չ'լինէիր՝ ես հիմայ ճանապարհին կ'լինէի, դէ, որ այդպէս է գնանք»։ Յովհաննէսը բարի ճանապարհ մաղթեց. Ազատը նրա ձեռքը համբուրելով և շնորհակալութիւն յայտնելով ճանապարհ ընկան։ Ճանապարհին Ազատը իւր բոլոր անցքերը մանրամասնօրէն պատմեց Սրաբօն, որը ասաց.— « եթէ այդպէս է, ես իմ ձեռքով պէտքէ կատարեմ ».— նրանք տաք տաք խօսելով ճանապարհի ուղղութիւնից՝ շեղուեցին և հանդիպեցին մի բլրի և բարձրանալով նրա գլուխը, այս կողմ այն կողմ նայեցին և տեսան որ մի հօտ ոչխարներ ջիր ու ցան եղած՝ գառներն էլ հետները բառաչում են, որովհետև անգութ գալլերը սկսել էին նրանցից պատուոտել, և նրանց անմեղ արիւնով ներկել բլրի շրջապատի գեղեցիկ կանաչերն ու ծաղիկները։ Ազատը ասաց Սրաբօնին,— « երևի հրվիւր քնած է, որ հօտը այս գրութեանն է մնացել ».— Սրաբօն



ասաց. ես էլ եմ այդպէս կարծում. Ազատը ասաց.— ուրեմն որ այդպէս է, ես մի երգ պիտի երգեմ, որպէսզի հովիւը զարթնի. այս ասելով սազն առաւ և սկսեց երգել. —

Չգիտեմ, քննձ ես, ի՞նչ է պատճառը,  
Զարթիւր, տես, հօտերդ ցիր ու ցան եղած՝  
Շաղաղուած ծաղիկներն արիւնախառն,  
Զարթիւր, տես հօտերդ ցիր ու ցան եղած...

Գալլերը չորս կողմից փաթաթել են, ո՛հ,  
Գառնուկներդ անմեղ տեղը եղան զոհ,  
Զայն կուտամ, չգիտեմ քնած տեղդ քոյ,  
Զարթիւր, տես, հօտերդ ցիր ու ցան եղած...

Անտէր մոլոր թափառում են սար ու քար,  
Անգուլթների ձեռքից եղան նետահար,  
Խեղճ Ազառը ինչպէս անի քեզի ճար,  
Զարթիւր, տես հօտերդ ցիր ու ցան եղած...

Այս երգից յետոյ էլ հովիւը չ'զարթեց: Ազատը իւր ձին թողել էր Յովհաննէսի տունը, ուստի ոտով լինելու պատճառաւ հնարաւորութիւն չունէր երկար մնալու ամալի տեղերում, դորա համար այլ ևս չէին կարող հովուին սպասել՝ շարունակեցին ճանապարհը և օրը մէկ իջեան զնալով հասան տեղ:

Արաբօն ասաց. — «եղբայր, զնանք մեր տուն, Ազատին համաձայնուեց, երբ ներս մտան տուն, տեսաւ մի ալեգարդ ծերունի նստած՝ հարցրեց Արաբօին,»  
եղբայր, այս է քո հայրը»- նա պատասխանեց— «այո՛ւ». Ազատի հարցի ձեւը այդպէս էր, որովհետև ճանապարհին Արաբօն պատմել էր իւր հօր արբեցութեան և վատ բնաւորութեան մասին:

Գարունը նոր էր սկսուած. Ապրիլ ամիսն էր. Սիրանոյշը իւր աղախիններով զբօսնում էր այդու մէջ. Արաբօն շուտով զնաց նորա մօտ աչքալոյս տալու Ազատու գալստեան առթիւ. երբ որ հասաւ այդու գուռը, աղախինները եկան արգելեցին նորան ներս մտնել: Արաբօն ասաց.— «մի՞թէ չէք ճանաչում, ես Արամն եմ, եկել եմ Սիրանոյշին աչքալոյս տալու. հաւատարիմ աղախին Ղրանոյշը զնաց Սիրանոյշին յայտնեց, և նա հրամայեց կանչել: Արաբօն ներս մտաւ և ասաց հետևեալը.— «եո անցեալ ամսի մէջ Խնուս էի զնացել, ինձ պատահեց քո սիրելին և ինձ հետ բերի մեր տուն. հիմա եթէ կամենում ես երեկոյեան կ'բերեմ քեզ մօտ»: Սիրանոյշը ասաց. «եղբայր, ահա երեք ամիս է որ ես տանջվում եմ նորա սիրահարութեամբ և կեանքս մաշուել է գրեթէ, ուստի խնդրում եմ հայրիկիս մի կերպ խօսք հասկացնես: Արաբօն ա-



ասաց — « շատ լաւ կ'լինի », և գուրս գալով եկաւ տուն, տեսաւ որ Ազատը շատ տրտում է, ասաց — մի տրամբել, եղբայր, ես յոյս ունիմ, որ Սիրանոյշի հայր Գրիգորը իմ խնդիրս անտես չի առնի. » այս բանը որ Արաբօի հայրը իմացաւ հետաքրքրուեց և Արաբօն էլ նրան պատմեց բոլորը: Հայրը դառնալով դէպի Ազատին: ասաց. — « ես քեզանից կ'պահանջեմ մի թաջնիս երգ, թէ կարողացար իմ սրտովս երգել' նոր կ'հաւատամ որ այդ բանը Աստուծոյ անօրէնութեամբն է և կ'լինի. որովհետեւ Սիրանոյշի պատճառաւ շատ աշուղներ իմ ձեռքից թաց աչքով են դնացել: Ազատը չկարողանալով դիմանալ ծերունու հպարտ խօսքերին՝ առաւ սազը և երգեց այսպէս. —

Մարդոյ Որդին կուգայ, ունի լարութիւն,  
 Սիրէ քո թշնամին և քեզ ատողին,  
 Մէկ օր կգայ լատեան, ունիս լարութիւն,  
 Կարգս սուրբ գիրքը տես գրուած ա սողին:  
 Երիտասարդութեան ժամանակդ անցաւ,  
 Ծերոց շարքին ես մտել, ալեգարդ, անցաւ,  
 Եթէ կուզես մնալ անվիշտ ու անցաւ,  
 Էլ արժան չէ քեզի ըմպել այդ օղին:  
 Վեր առ խաչդ, գնա՛ Տիրոջդ հաս արագ,  
 Մէկ ձեռք հանդերձ հագիր, այն էլ հասարակ,

Ազատիս երգում է որպէս հասարակ,  
 Զայնս լին՝ սարսափեցին, ահողին:

Երբը վերջացնելուց լետոյ ծերունին շատ շնորհակալ եղաւ և ասաց. — « հաստատ, Սիրանոյշը քեզ արժան է»: Ընթերցողին տանենք Սիրանոյշի մօտ: Ազատի ձայնը հասաւ պարտէզ, Սիրանոյշը կանչեց իւր աղախին Հրանոյշին և ասաց — « լսում ես այս ձայնը, ինձ այրում է, ես այնպէս եմ կարծում, որ Արաբօի ասած տղալի ձայնն է ». Հրանոյշը ասաց. — « ես էլ եմ այդպէս կարծում »: Սիրանոյշի համբերութիւնը հասնելով գնաց իւր հօր մօտ. և ասաց. — « գորովագու՛թ հայրիկ, այգու մէջ ման գալիս Արաբօենց տանից մի քաղցր ձայն լսեցի, ես կարծում եմ, որ աշուղ կ'լինի, հիմալ խնդրում եմ մի մարդ ուղարկես Արաբօին էլ իրան աշուղին էլ բերել տաս մի քիչ երգէ լսենք:

Հայրը ասաց. — « շատ լաւ կ'լինի, աղջիկս, և իւր ծառաներից մէկին ուղարկելով բերել տրուեց: Սիրանոյշը լուսամուտի առաջիցը մի վարագոյր քաշեց, ետևում նստեց և սպասում էր Ազատի գալստեանը: Ազատը երբ մօտեցաւ սենեակին՝ աչքը ընկաւ Սիրանոյշին և մտքումն ասաց. — « իսկ և իսկ այս պատկերն էր որ ես երագումս տեսայ, և սրտիցը մի ան քաշելով՝ ներս մտաւ և բարև



տուեց: Գրիգորը բարեւր սիրով ընդունեց և տեղ  
ցոյց տուեց նստելու. քիչ յետոյ Հարցրեց թէ «որ  
տեղացի ես.» — Ազատը խոնարհաբար պատասխա-  
նեց. — «Շիրակայ գաւառիցն եմ». Գրիգորն ասաց.  
«եթէ դու Շիրակիցն ես, այնտեղ երկու աւերակի-  
ներ կան, եթէ դու կարողացար երգի միջով  
նրանց անուաները տալ՝ նոր ես կ'հաւատամ, որ  
Շիրակեցի ես: Սիրանոյշն էլ յառած նայում էր  
Ազատուն: Ազատը Գրիգորի խօսքի համեմատ սազը  
վեր առնելով երգեց այսպէս. —

Լսէ, պատասխան տամ ես քո հարցերին,  
Շիրակումն աւերակ Մրէն ու Անին,  
Աբժանի են եղել նոքա բուերին,  
Շիրակումն աւերակ Մրէն ու Անին:

Հինգ հարիւր տարի է, որ աւերակ են,  
Սև քողով փաթաթուած՝ առանց պաշտպան են,  
Չեռքները ճար չկայ, խեղճերն ինչ անեն,  
Շիրակումն աւերակ Մրէն ու Անին:

Գլորուել են, կանգնելու յոյս էլ չունեն,  
Իրանց վերայ ծագելու լոյս էլ չունեն,  
Չորացած արմատներն՝ մէկ բոյս էլ չունեն,  
Շիրակումն աւերակ Մրէն ու Անին:

Ազատուս կեանքը քեզ մատաղ, իշխանս,  
Լացով կոծով թողի իմ գերդաստանս,

Չեն նորոգուի նոքա մինչ յաւիտեանս,  
Շիրակումն աւերակ Մրէն ու Անին:

Այս երգը վերջացնելուց յետոյ Գրիգորը ասաց.  
«գորանաս, որդիս, հիմայ ես հաւատում եմ, որ հաս-  
տատ Շիրակայ գաւառիցն ես:» Դորանից յետոյ մի  
մի բաժակ թէյ խմեցին, հաց կերան և Ազատը  
կամենում էր հեռանալ, երբ Գրիգորը արգելեց, և  
ասաց. — «ես տեսնում եմ, որ գնալու ես, դէհ,  
մի երգ էլ ասո՛ւ և յետոյ Աստուած հետդ լինի»: Ազատն էլ հէնց այդ էր ուզում. սազն առաւ և  
սկսեց երգել: —

Անտես չառնես աղաչանքս, սիրելի,  
Սար ու ձոր անցնելով քեզ համար եկայ,  
Գրաւէ, մօտդ տար խեղճիս, պատուելի,  
Հոգիս նուազելով քեզ համար եկայ:

Միշտ երեսիս նայէ, մի կտրէ սէրդ,  
Աղեղնաձև կամարակապ ունքերդ,  
Կարմրիկ ու քաղցրահամ թշերդ,  
Դորանց փափազելով քեզ համար եկայ:

Ազատուս պահանջը շատ չէ քեզանից,  
Չնեղանաս, իմ սիրելիս, ինձանից,  
Դիպչող խօսք դուրս չի դալիս իմ բերանից,  
Չօր ու գիշեր տանջուելով քեզ համար եկայ:



Երգի միտքը Գրիգորը հասկացաւ և Սիրանոյշին սենեակից հեռացնել տուեց: Ազատն էլ խեղճացած՝ Արաբօի հետ միասին գնացին: Սիրանոյշը տեսաւ, որ Ազատը գնում է՝ շտապեց գնաց այգին իւր (բնակարանի) սենեակի դուռը կանգնեց և սպասում էր Ազատու գալուն: Երբոր Արաբօն և Ազատը հասան այնտեղ, Սիրանոյշին նկատեցին, Սիրանոյշը ներս մտաւ և դուռը դոցեց: Ազատը մօտեցաւ դրանը, Սիրանոյշը ասաց. — «մինչև մի երգ չասես ինձ համար՝ դուռը բաց չեմ անի»<sup>6</sup>: Ազատը սազն առաւ ձեռքը և սկսեց գովել նրան հետևեալ երգով. —

Ի՛նչ գովեմ, գովաբանեմ, աննման ես, սիրելի,  
Շաղախառն, անձրևաբեր ծիածան ես, սիրելի,  
Քարնան բացուած վարդերի պէս բացուել ես  
Ճաղիկներով,

Ծաղիկներիդ միջումը դու գովական ես սիրելի:  
Կաքաւի նման գլուխդ թուխ մազերով զար-  
գարած՝

Կամարակապ կեռ ունքերդ ճակատումդ յար-  
մարած,

Թանկազին քաղցր խօսքերդ շարունակուած  
ու շարուած,

Մարգարիտից գեր ի վերոյ պատուական ես սի-  
րելի:

Սիպտակ կոկոն ծծերդ փայլում են ապակու  
նման,  
Չեմ դադարում ես քո սիրուդ, աղուաշ սուրհան-  
դակի նման,  
Կտրատում ես խոցուածներս, սուր արած գա-  
նակի նման,  
Սաստիկ սիրովդ եմ չարչարուում, մէկ ներս  
տանես սիրելի:

Խաժուժ մաժուժ վառ աչերդ ինձի գերի են  
արել,

Սայրտակ վզիդ մանեակը գլխիս խելքն է տա-  
րել,

Վարդագոյն կարմիր թուշերդ ինձի համար են  
հասել,

Ոնտես չառնես աղաչանքս՝ շատ լաւ կանես,  
սիրելի:

Մաքուր կաթամբ սնուած ես, խիստ պայծառ  
անուն ունես,

Կառավարիչ, իմաստասէր, ճշտիւ դու խելքի  
բոյն ես:

Խոր մտածող ճարտարաբան, պառաւած խօս-  
քեր չունես.

Խեղճ Ազատուս նոր զարգարած օթեան ես,  
սիրելի:





Սիրանուշը այն բոստանի գուռը բացեց և Ազատուն ներս առաւ, անպատմելի էր երկու սիրահարների առաջին անգամուալ տեսակցութիւնը: Նրանք միմիանցից ջերմագին սիրոյ համբույրներ առնելով նստեցին. բաւական երկար խօսելուց յետոյ գնացին պարտէզը զբօսնելու. սկսեցին լաւ լաւ պտուղներ քաղել և ամենաքաղցրը միմիանց հրաւիրել ուտելու: Օրը արդէն տարածամել էր. Սիրանուշը ասաց Ազատուն. — «սիրելի, խնդրում եմ գնաս Արաբօին ուղարկես հօրս մօտ, տեսնենք թէ կ'ընի մեր ապագան. ես որ կամ պիտի մահանամ՝ կամ իմ նպատակիս հասնեմ»: Ազատը այս խօսքերը լսելով՝ լաց եղաւ: Սիրանուշը հետաքրքրուեց իմանալ պատճառը, բայց Ազատը ոչինչ չասաց և մնաս բարով ասելով գնաց Արաբօի տունը, պատմեց նորան հանդամանքը. նա էլ գնաց Գրիգորի մօտ և նորան ասաց. — «չարգելի պարօն, մի խնդիր ունիմ քեզ յայտնելու և յուսով եմ, որ չես մերժի. անցեալ օրուալ այստեղ եկող աշուղը սիրահարուել է Սիրանուշի վերայ աստուածային նախախնամութեամբ և Սուրբ Մինասի միջնորդութեամբ, հիմալ ես քեզանից մի պատասխան եմ ցանկանում իմանալ՝ որ գնամ հաղորդեմ նրան»: Գրիգորն ասաց բարկութեամբ. — «թնչպէս կարելի է խօսք տամ. ո՞վ գիտէ, դա ո՞վ է, թնչ գործի տէր է»:

Արաբօն ասաց — «իշխանս, այս բանը Աստուած է տնօրինել, պէտքէ որ հակառակ չ'կանգնես, ապա թէ ոչ՝ վնաս կ'կրես.» — Գրիգորը մի խոր մտածման մէջ ընկաւ և քիչ լետոյ ասաց. — «եթէ այդպէս է, ես պէտքէ աղջկաս կամքը հարցնեմ, եթէ աղջիկս կամեցաւ, ես ոչինչ չեմ կարողանալ ասել, ուրախութեամբ հարսանիք կանեմ և իմ ունեցածս էլ կ'կտակեմ նրան»: Ուղարկեցին Սիրանուշին կանչեցին. — «հալը ասաց նրան. — «աղջիկս, դու գիտես որ բացի քեզանից ուրիշ ոչ մի գաւակ չունեմ, անցեալ օրուալ այստեղ երգող աշուղն ուզում է քեզ առնել, արդեօք կ'կամենաս, եթէ ոչ՝ ահա Արաբօն այդ բանի համար է եկել որ իմ նալ: — Սիրանուշը խոնարհաբար պատասխանեց. — «պատուելի հայրս, եթէ դու ինձի գժօխքն էլ ուղարկես ես պատրաստ եմ» — ասաց և գնաց լ'ըր սենեակը, այնտեղ կանչեց իւր աղախին Հրանուշին և ասաց. — գնա՛ իմ կողմից հայրիկիս ասա՛, որ եթէ ինձ այն տղային չ'տայ՝ ես իմ կեանքս կ'թուլնաւորեմ»: Հրանուշը գնաց յայտնեց Գրիգորին. որը լսելով այդ բանը, հաւատաց հաստատապէս, որ Աստուծոյ տնօրէնութեամբն է, հետևապէս Արաբօին խօսք տուեց և ծախս պահանջեց եռեսուն քսակ սսկի: Արաբօն տուն վերադարձաւ և ճանապարհին պատահեց իրանց գիւղի քահանային, որից



իմանալով՝ որ գնումէ Գրիգորի աղջիկն ուղելու իւր որդուն, բացատրեց նորան որ արդէն վերջացած է ամեն բան, քահանան վերադարձաւ իւր տունը: Արարօն եկաւ տունն և յայտնեց գործի եղելութիւնը, երբ Ազատը ոսկու պահանջը իմացաւ՝ տրտմեց. Արարօն սիրտ տուեց որ չ'տրտմի, Աստուած ողորմած է: Նրանք սկսեցին հնարներ մտածել: Թող սրանք խորհեն, մենք ընթերցողին առնենք Սիրանոյշի մօտ: Սիրանոյշը երբ իմացաւ որ հայրը երեսուն քսակ ոսկի է պահանջել, հասկացաւ, որ փորձելու համար է ասել, ուստի մի մարդ ուղարկեց Ազատուն հասկացնելու, որ ի զուր չ'տրտմի: Մի մարդ էլ ուղարկեց իր հօրը ասելու, որ եթէ ստուգ է պահանջում ոսկիքը, նա իր կեանքին վերջ կ'դնէ: Հայրը պատասխանեց, որ անհոգ լինի, այդ փորձի համար է ասել. Սիրանոյշը հաստատ իմանալուց յետոյ մարդ ուղարկեց Ազատուն բերել տուեց, նախ քան նորա գալը ծաղիկներից մի փունջ կապեց և գալուն՝ պէս ուրախ ուրախ ընդառաջ ելաւ: Դեռ Սիրանոյշի մօտը չ'հասած՝ Ազատը պատահեց Հրանոյշին, որը յայտնեց Սիրանոյշի դուրսեան մասին. Ազատը կամեցաւ Հրանոյշի հաւատարմութիւնը փորձել. այդ նպատակով ասաց. — «քոյրիկ Հրանոյշ, այս երեք ամիս է, որ ես իմ տանից ու տեղից զուրս եմ եկել, քար ու

սար ոտի տակ առնելով դիմել եմ Սիրանոյշին, արդեօք դա արժէ.» — Հրանոյշը այլ ևս չ'կարողացաւ համբերել, մազերի հիւսերից մինը ծառայեցրեց սագի տեղ և երգեց հետևեալ երգը, զովելով Սիրանոյշին:

Նորա զեղեցկութիւնն ինչ է կ'հարցնես,  
Սպիտակ երեսը լուսինն է նման,  
Չկայ նորա հատը ի մէջ աշխարհիս,  
Եղեմի դրախտի բուսին է նման:

Հագին ունի կանաչ կարմիր ծիրանի.  
Տեսնողների ուշքը հաստաւ կ'տանի,  
Գովելու է, գովեմ, քեզ է արժանի,  
Փակուած ու կնքուած կուսին է նման:

Աչքերն ունքերն իրար համեմատ,  
Տեսնողը կ'մնայ հիւանդ, անփախտ,  
Հրանոյշը քեզի մատաղ, ով Ազատ.  
Սաղիդ ոսկէ թելերն հուսին է նման:

Այս երգից յետոյ Ազատը շատ գոհ մնաց Հրանոյշից և մի ոսկի էլ ընծայ տուեց ու անցկացաւ: Սիրանոյշը երբոր Ազատուն տեսաւ գալիս է, ծափ տալով վազեց ընդառաջ, ձեռքից բռնեց և ներս տարաւ սենեակ. այնտեղ միմիանց սիրոյ համբույրներ տալուց յետոյ Սիրանոյշը ասաց Ազատուն, — «սի-



րելի, մի երգ երգէ, ինչ ուրախացրու:— Ազատը  
առաւ սազը և սկսեց հետևեալ գովեստի երգը:—

Մէկ ժամի չտփ դուրս չես գայիս աչքիցս,  
Անգին ես, վառվում ես ճրագի նման,  
Մէկ անգամ անցել եմ ես իմ կեանքիցս,  
Սիրովդ անշէջ ես, կրակի նման:

Խնդրեմ անքակտելի մնայ մեր սէրը,  
Քեզի կեանք պարզւէ Նհովայ Տէրը,  
Հաստատ ու շէն մնայ քեզ բերող մէրը.  
Սպիտակ ու կարմիր ես, փալլակի նման:

Ազատս խնդրում է, որ ներես լատուկ,  
Օտարին մի լայտնի, թող մնայ ծածուկ,  
Ամենից անուշ ես, ամենից նազուկ,  
Անձիս լուսատու ես, ցերեկի նման:

Երգը վերջացնելուց լետոյ միասին հանգստա-  
ցան, առաւօտեան շուտ վերկացան լուացուեցան ու  
Աստուած փառաբանեցին, որից լետոյ Ազատը շատ  
խոր մտածման մէջ ընկաւ: Սիրանուշը ասաց. — սի-  
րելի, իզուր մի մտածիլ, եթէ հայրս ծախսը հաս-  
տատաւ ուզէ, ես կարող եմ պատասխան տալ. ահա  
ես հարստանեաց պատրաստութիւնն եմ տեսնում,  
որ վաղը գնանք պրակ: Ազատը փոխարէն բերնով  
պատասխանելու՝ առաւ սազը և երգեց այս տխուր  
երգը:

Արի, իմ սիրելի, մէկ պայման անենք,  
Իմ խղճալի հայրս գերութեան մէջ է,  
Գամ՝ նոր մեր անթառամ պսակը տեսնենք,  
Իմ խղճալի հայրս գերութեան մէջ է:

Սիրանուշը երբ իմացաւ այս տխրալի խօսքերը,  
մագերի հիւսերից մէկը ձգեց կուրծքի վերայ և սկը-  
սեց երգել այսպէս:—

Ս Ի ր ան ու շ ը

Տխուր Սիրանուշին մի տխրեցնէ,  
Մի գնա դու, լետոյ կազատենք հայրդ,  
Թշնամիքս շատ են, մի խնդացնէ,  
Մի երթա դու, լետոյ կազատենք հայրդ:

Ա Ղ Մ Մ Շ

Զոհեմ արիւնս քեզ համար, Սիրական,  
Եղիր կնքած աղբիւր, փակուած բուրաստան,  
Յօժարացիւր, տուր ինչ ազնիւ պատասխան,  
Իմ խճալի հայրս գերութեան մէջ է:

Ս Ի ր ան ու շ ը

Սիրանուշը պիտի ստանայ նոր կեանք,  
Նրան ծաղկելու համար դու արա՛ ջանք,



Աւանդ, ուրախ օրս դարձաւ հառաչանք,  
Մի երթա գու, լետոյ կազատենք հայրդ:

Ա Ղ Մ Մ Շ

Նոր ստացած կեանքիդ մատաղ լինիմ ես,  
Հայրս ծուղակումն է, գնալ արժան տես,  
Շուտով լետ կգառնամ, մի թափի աղերս,  
Իմ խղճալի հայրս գերութեան մէջ է:

Ս Է Ր Մ Ն Պ Ն Շ

Փոքր ժամանակ տուր ինձի սպասեմ,  
Այս օրուանից մինչև դալդ սև հագնեմ,  
Գնալուդ համար ես դարձեալ կաղաչեմ,  
Մի երթա գու, լետոյ կազատենք հայրդ:

Ա Ղ Մ Մ Շ

Ազատն եմ, Սախալին կղզին կգնամ,  
Ահա քեզ մէկ տարի ժամանակ, կուտամ,  
Աղօթիր առ Աստուած, շուտով լետ կուգամ,  
Իմ խղճալի հայրս գերութեան մէջ է:

Ս Է Ր Մ Ն Պ Ն Շ

Սիրանոյշն եմ, իմ թշնամիքս շատ ես,  
Վախում եմ, Ազատ, քեզ իձանից զատեն,

Բողոքով տունկս միշտ ուզում եմ հրատեն,  
Մի երթա գու, լետոյ հայրդ կազատենք:

Երգերը աւարտելուց լետոյ Սիրանոյշը լաց եղաւ  
և աղաչեց որ չգնայ. բայց Ազատը ասաց, որ ան-  
կարելի է, նախ պէտքէ հայրս ազատեմ, լետոյ գամ  
պսակուինք, որովհետև Աստուծոյ տնօրէնութիւնը  
և սուրբ Մինասի միջնորդութիւնը որ սկզբից  
տեսել եմ էլ չեմ կարող իմ նպատակը փոփո-  
խել: Սիրանոյշը տեսաւ որ անկարելի է Ազա-  
տուն լետ կանգնեցնել իր մտադրութիւնից, հանեց  
իւր մետաքսեայ թաշկինակը սուեց Ազատուն  
և ասաց. — «սիրելիս, ահա իմ թաշկինակը  
տալիս եմ քեզ, որ ամեն ձեռքդ առնելիս ինձի լի-  
շես և չմոռանաս»: Ազատը թաշկինակը դրեց  
ծոցը, կանգնեց և վերջին ողջոյնը տալով Սիրա-  
նոյշին դուրս եկաւ սենեակից արտասուելից աչ-  
քերով և գնաց Արաբօի տունը, բարև տուեց ու  
կանգնեց: Արաբօն ասաց. — «եղբայր, ինչ է քո  
լացի պատճառը, չլինի Գրիգորի առաջարկած ծախ-  
սի համար ես լաց լինում. հոգս մի անի, ես կարող  
եմ պատասխան տալ»: Ազատն էլ չկարողացաւ  
բերնով պատասխանել, վեր առաւ սազը և սկսեց  
երգել. —

Զատովում եմ սիրելուցս, ինչպէս չողբամ,  
Պաշտպանիր, լանձնում եմ քեզ Սիրանոյշին,  
Վճռել եմ հաստատ, պէտքէ որ գնամ,  
Աւանդ, լալով թողի հեզ Սիրանոյշին:



Չունիմ հաւատարիմ բացի քեզանից,  
 Զմօռանաս ինձի, հանես քո մտքից,  
 Պէտք է գնամ հայրս ազատեմ վանդակից,  
 Քալով ուրախացնեմ թէզ Սիրանոյշին:

Սիրանոյշի թշնամիքը բազում են,  
 Միշտ մնալ խանգարուած՝ նրանք ուզում են,  
 «Քնաց Ազատին, էլ չի գայ» — ասում են,  
 Քարձեւ են ցաւերը ղէզ Սիրանոյշին:

Երբը վերջացնելուց լետոյ, վերջին մնաս բարովն ասելով՝ ճանապարհ ընկաւ ղէպի Կոստանդնուպօլիս, շատ զնաց թէ քիչ՝ Աստուած ղիտէ, ճանապարհին պատահեց մի կանաչաղարդ ավերով առուակի, նստեց այնտեղ քիչ հանգստացաւ, ղար, ձաւ ղէպի Սասուն նայեց, տեսաւ, որ նրա լեռները ամպերով պատուած են, կարծեց թէ Սիրանոյշն էլ ղրանց մէջ նստած ղէպի իրեն է նայում, էլ չկարողացաւ զսպել և սկսեց լաց լինել, լաց եղած ժամանակը մի ճանապարհորդ պատահեց նրան և ասաց. — «աշուղ, ինչի՞ ես լաց լինում» — Ազատը ասաց. — «կորցրել եմ, լաց եմ լինում». ճանապարհորդը ասաց. — «ի՞նչ ես կորցրել», — Ազատն էլ չը կարողացաւ պատասխան տալ, այլ վեր առաւ սագը և երգեց այսպէս. —

Կորուցել եմ, ման եմ զալիս,  
 Չեմ ղտնում իմ միտթարս,  
 Նորա համար եմ ես լալիս,  
 Գերի է գնացել հայրս:

Ընտիր է նա ինձ ամենից,  
 Զրկուել եմ ես նորանից,  
 Հեռացել եմ տեղից — տանից,  
 Անհնար գարձաւ հնարս:

Ազատն եմ, շատ ցաւեր ունեմ,  
 Փրկիչ ու փարատիչ չունեմ,  
 Անհաստատ գերեզման կըլնեմ,  
 Սպասում է ինձի մայրս:

Այս երգից լետոյ վեր կացաւ առանց խօսելու շարունակեց ճանապարհը և օրուայ մէկը հասաւ Կոստանդնուպօլիս և մի պատի տակին հովում նըստեց հանգստանալու: Քաղաքի խաբեբաներից երեք հօգի եկան Ազատու մօտ նստեցին և սկսեցին հարցընել սրտեղացի լինելը, ի՞նչ գործով գալը իրանց քաղաքը, և այնպիսի քաղցր լեզու գործ ղրին, որ Ազատը իրան մտերիմ համարեց նրանց և սկսեց իւր բոլոր զաղանիքները պատմել: Նրանց էլ այդ էր հարկաւոր, իսկ իրանց ցանկալի որսն էր: Նրանք ասացին Ազատուն, — «եթէ ղու մեզ ճանապարհածախս տաս, քեզ շատ հեշտութեամբ կ'հասցնենք



Սախալին, և կ'օգնենք քեզ ամեն բանում»: Ազատը ուրախացաւ և ասաց.— «Եթէ դուք ինձ Սախալին հասցնէք՝ ես ոչ միայն ճանապարհածախս կ'տամ, այլ և ձեզ լաւ կ'շահեմ»: Խաբեբաները ասացին, «դէ՛հ, ուրեմն գնանք մեր պատրաստութիւնները տեսնենք»:

Ազատին հետեւեց նրանց: Նրանք ճանապարհին պատահեցին մի գինետան, և առաջակեցին Ազատուն մտնել այնտեղ մի շիշ գինի խմել. նա համաձայնեց և մտաւ ներս սկսեցին խմել. մի շիշը եղաւ երկու, երեք, միով բանիւ այնքան խմեցին, որ Ազատը արբելով՝ սկսեց գրպանից ոսկիքը հանել և շաղ տալ գինետան մէջ: Խաբեբաները երբ տեսան, որ Ազատը իւր ունեցած բոլոր փողերը սպառեց, խորամանկութեամբ թողին նրան անպաշտպան և անյայտացան: Ազատը վայր ընկաւ գինետան մէջ բաց քնեց: Գիշերուալ կեսին գարթնեց, տեսաւ, որ շատ վատ դրութեան մէջ է, սաստիկ մըսել էր. նա ձայն տուեց ընկերներին.— «Սարգիս, Սիմոն, Կարապետ», բայց ոչ մի պատասխան չ'ստացաւ. նա իսկոյն հասկացաւ իր խաբուիլը, և սկսեց լրջանալ և խոր մտածմանց մէջ ընկնել: Մի կողմից Սիրանոյշի ցաւը և խաբեբաների արածները, և միւս կողմից իրեն գերդաստանի դրութիւնը անտաննի կերպով խոցուեց և քաշ-

ուելով մի անկիւն սկսեց դառնապէս ողբալ իր թշուառութեան վերայ. դորա հետ միասին անտաննի զարձրեց նորա դրութիւնը իր հիւանդութիւնը: Գինեկաճառը մի բարեխիղճ մարդ լինելով՝ մի ձեռք անկողին տուեց և նա մի ամբողջ ամիս հիւանդ պարկեց, և հապիւհազ լաւացաւ: Աչքերը բաց արեց և առաստաղին նայելով չէր իմանում թէ ո՞րտեղ է և ինչ դրութեան մէջ է. կռուակների խումբը վերևից անցնելիս նրանց ձայնը ընկաւ ականջը, նոր ուշքի եկաւ և իրան ժողովեց, միտք բերեց իւր գլխի արկածները, սազը վայր բերեց, նոր թեւեր քցեց, լարեց և սկսեց երգել այսպէս.—

Կռուակ, արդե՞օք ուր կգնաք,  
 Ինձի հօրիցս լուր բերէք,  
 Երբ Կոստանդնուպօլիս կուգաք,  
 Ինձի հօրիցս լուր բերէք:

Երբ երթաք Սախալին կղզին,  
 Մեղք կ'դնեմ ես ձեր վզին,  
 Երբոր կապանքները խզեն,  
 Ինձի հօրիցս լուր բերէք:

Ազատս խնդրեց ձեզանից,  
 Բարև կ'տանէք ինձանից,  
 Չունիմ մէկ լուր ես իրանից,  
 Ինձի հօրիցս լուր բերէք:



Այս երգից յետոյ գիշերը վերայ հասաւ, հան-  
գարա քնեց, առաւօտեան վերկացաւ իրեն ըստը-  
վին առողջ գտաւ, շորերը հաղաւ, լուացուեց, Աս-  
տուած փառաբանեց, մի քանի օր գինետան մէջ  
մնաց, մի քանի սկի ընկաւ ձեռքը, վերջրեց սազը  
և գինեվաճառին շնորհակալութիւն տալով՝ մնաս  
բարով-ասաց. գինեվաճառը արգելեց նրան ասելով  
«եղբայր, ես տեսնում եմ, որ գնալու ես, մի երգ  
էլ երգիր և յետոյ գնա, Աստուած հետդ լինի»:

Ազատը վեր առաւ սազը և սկսեց երգել.—

Հեռու կաց կախարդ մարդկանց քաղցր լեզուից,  
Հեռու կաց,

Բերանումը սանձ չ'սլահող ընկերիցը հեռու կաց,  
Խաբեբայքն ի սրտի իւրեանց ասեն— ոչ դոյ  
Աստուած,

Պատիժ կուգայ քեզ նրանցից միշտ, պատուից  
Հեռու կաց:

Եղած չեղածս կողոպտին, մնացի մերկ Յօբի պէս,  
Վիրաւորեալ անձիս նորից տուեցին վերք Յօբի պէս,  
Խեղճութեանս չ'նայելով արինավերք Յօբի պէս,  
Քեզի ընկեր ձեացող ներքնագործիցը հեռու կաց:

Դու էլ չ'ընկերանաս այդպէս կախարդ մարդ-  
կանցը

Հիւանդութեան մէջ էլ քցին խղճուկ Ազատուն:

Գրպանիցս հանել տալով՝ անտեղ վատնեցին  
գանձը,  
Ես խաբուեցայ, դու չ'խաբուիս, մօտներիցը հե-  
ռու կաց:

Երգիցը յետոյ շնորհակալութիւն յայտնեց և  
դուրս եկաւ փողոց, մի մարդու հարցրեց.— «ո՞ւմ  
սրճարանումն են հաւաքվում երգեցողութեան հա-  
մար». նա ասաց.— Վահան Սանթուրջեանի»: Ազա-  
տը հարցնելով զնաց գտաւ, ներս մտաւ, բարեկեց  
և նստեց. քիչ յետոյ մէկը նստողներից ասաց.—  
«աշուղ, մի երգ ասո՛ մահուան վերայ»: Ազատը  
սկսեց երգել:

Պէտք է փնտռենք, գտնենք հնար աշխարհի  
մահուան համար,

Տէրը մէկ օր կուգայ ատեան գուժմարի մահուան  
համար,

Չարի կամքին միք հետևի, դէպի կորուստ կը  
տանի,

Եղէք մշտական խրատիչ տկարի, մահուան  
համար:

Բարի արէք դուք միշտ նրանց, որ ձեզ կ'կամենան  
չար,

Ծովը մի լինէք աղօթքիցը աչքով կոյր, մտքով  
խաւար.



Չարը կուզենայ, որ մեզի տանէ զեհէնուն աւար,  
 Ուղիղ ճանապարհը լաւ է, հաս, արի հահուան  
 համար:

Մեծ է գորութիւնը Տիրոջ, սլ որ փնտռէ  
 կրգանի,  
 Փափագը անկատար կասեմ, նա գերեզման չի  
 մտնի.

Ով Ազատ, նեղ վիճակի մէջ ես, Տէրը քեզ  
 օգնի,

Տիրոջմով քեզ ազատութիւն հնարիր մահուան  
 համար:

Երբքը վերջացնելուց լետոյ սրճարանում եղող-  
 ները շնորհակալութիւն լայտնեցին նրան և մի մի  
 ոսկի տալով՝ դուրս ելան, Ազատն էլ վեր առաւ  
 իւր ճանապարհի ծախսը, իսկ միւսը ընծայեց սրբ-  
 ճարանի տիրոջը և շնորհակալութիւն տալով դուրս  
 եկաւ Կոստանդնուպոլսից մտաւ նաւ և Միջերկ-  
 րական ծովով, Կարմիր ծովով, Արաբական ծովով,  
 Հնդկական ովկիանոսով գնաց Չինաստան. այնտե-  
 ղից էլ հասաւ Սախալինի սահմանը: Թողնենք Ա-  
 զատուն Սախալին, ընթերցողին տանենք զէպի Պե-  
 տերբուրգ. մեր այժմեան գոստափառ կայսեր Օժ-  
 ման ժամանակն էր. Օժման առթիւ ամենաողոր-  
 մած կայսրը հրովարտակով արձակել տուեց քան-

տարկեալներին. արձակուածները մէջն էր և Ազա-  
 տու հայր Սուրէնը, որը ազատուելով և ճանապարհ  
 ընկնելով զէպի հայրենիք՝ յանկարծ պատահեց Ա-  
 զատուն, տեսաւ մէկ երիտասարդ աշուղ, սազը  
 քամակին՝ գնում է զէպի Սախալին, արիւնը եռաց,  
 սիրտը մի կասկած ընկաւ. ուշի ուշով նայեց  
 տեսաւ ձեռքին իւր նկարը, գարմայաւ և մտքումը  
 սոսայ. — այս իմ Ապրես որդին կ'լինի, բայց չեմ  
 ճանաչում, որովհետև ութ տարեկան ժամանակն  
 եմ տեսել, խօսեցնեմ, կարելի է խօսքի միջով մի  
 քան հասկանամ — և սոսայ. — «որդիս, սրտեղացի  
 ես». Ազատը պատասխանեց. — «Շիրակայ զաւա-  
 ռիցն եմ, Հայր—Յարթիկ զիւղացի». — ուր ես  
 գնում, — Սախալին — Ինչո՞ւ համար. —

— Իմ հայրս գերութեան մէջ է, գնում եմ ազա-  
 տելու Աստուծոյ հրամանաւ և սուրբ Մինասի  
 միջնորդութեամբ:

— Սուրէնը սոսայ. — քո հայրդ ո՞վ է.

— Իմ հայրս Սուրէնն է:

Սուրէնը փորձելու համար սոսայ. — «հա՛, ես զի-  
 տեմ, նա լաւ մարդ էր, Աստուած ողորմի հոգուն,  
 այս երեք ամիս է որ մեռել է.», երբ Ազատը լսեց  
 այս, խելքը գլխիցը թռածի նման սազը առաւ և  
 սկսեց երգել այս սղբալի երգը. —



Ո՛հ, իմ սիրտս խոցոտեցիր նիզակաւ,  
 Այդ ի՛նչ վատ համբաւ լուր տուիր ինձի,  
 Կտրատեցիր երակներս անիրաւ,  
 Անձիս վնասելու սուր տուիր ինձի:

Սրտիս մէջը դրիր վառուած հնոցը,  
 Դրժեւիով արթնացուց անգարման բոցը,  
 Կեանքիս տերեւն այրեց, սաստկացաւ բոցը,  
 Լեարդս կերակրելու հուր տուիր ինձի:

Մանկութիւնից բնաւ լաւ օր չը տեսայ,  
 Արտասունքն աչքերէն արիւն կը հոսայ,  
 Արի դուն Ազատուս ճշմարիտն ասս,  
 Այդ լուրն ինձ արժան չէր, ո՛ւր տուիր ինձի:

Երգը վերջացնելուց յետոյ ուշաթափուեց, վայր  
 ընկաւ, Սուրէնը զղջաց իւր ասածիցը, ձեռքի փայ-  
 տը արաւ սագ, և երգեց այս երգը:

Ո՛հ, իմ որդիս, սիրուն որդիս,  
 Չես՝ ճանաչում, ես քո հայրդ եմ,  
 Բայց քո անուշ լեզուն, որդիս,  
 Չես ճանաչում, ես քո հայրդ եմ:

Ազատը երբոր լսեց ձեռքս հայրդ եմ՝  
 վեր կացաւ տեղիցը, սագը առաւ ձեռքը ու սկսեց  
 երգին պատասխանել այսպէս.—

Ո՛հ իմ հայրս, ազնիւ հայրս,  
 Չեմ տեսած, ի՛նչպէս ճանաչեմ,  
 Ժամանակդ էր անթիւ, հայրս,  
 Չեմ տեսած, ի՛նչպէս ճանաչեմ:

Սուրէնը բանտում Արփենիկի մասին շատ վատ  
 երազ էր տեսել, մտածեց որ երգի մէջ յայտնէ և  
 ճիշտը իմանայ՝ երգեց այսպէս.—

Ս ու ը ն է ը

Հեռոք բերել ես նկարս,  
 Ինչո՞ւ թողիր եկար մայրս,  
 Ի՛նչպէս է իմ Արփենեակս,  
 Չես ճանաչում, ես քո հայրդ եմ:

Ս ու ը ն է ը

Հանգչեցաւ սրտիս կրակը,  
 Կատարուեց իմ նպատակը,  
 Քեզ կ'սպասէ Արփենեակը,  
 Չեմ տեսած, ի՛նչպէս ճանաչեմ:

Ս ու ը ն է ը

Սուրէնն եմ, պատուում խաբեցին,  
 Յքի կամ գինի թափեցին,



Սամսոնի նման կապեցին,  
Չես ճանաչում, ես քո հայրդ եմ:

Ա Ղ ա ա ը

Ով որ քեզ խաբեց՝ կեղծ սրտով,  
Կը գտնի պատիժն Աստուծով,  
Ազատս ուրախ քեզանով,  
Չեմ տեսած, ինչպէս ճանաչեմ:

Երբը վերջացնելուց լետոյ միմիանց ճանաչելով փաթաթուեցան ու ջերմ կերպով համբուրուեցին, և սկսեցին միմիանց պատմել իւրաքանչիւրը իւր զլիսին պատահածները, և սկսեցին ճանապարհ ընկնել դէպի Սասուն: Թող սրանք շարունակեն իրանց ճանապարհը, մենք ընթերցողին տանենք Սիրանոյշի մօտ: Այն ժամանակն էր, երբ Օսմանցոց կուսակալները սկսել էին շատ նեղութիւն տալ խեղճ Սասունցոց, որոնք սաստիկ ճնշուելով ու զըրկանքներ կրելով՝ սկսեցին կուռել նրանց դէմ, Օսմանցիք էլ լարեցին քիւրդերին, որոնք լցուելով գիւղերը՝ անխնայ կերպով կեղեքում էին հայերի տները. հայերն էլ վրէժխնդրութեամբ լցուած՝ ելան քիւրդերի դէմ և մեծ ջարդ տուին նրանց: Այս լուրը հասնելով Սուլթանին, նա մեծ զօրք ուղարկեց Սասուն, Թէպիմ փաշայի հրամանատար-

րութեան տակ, որը գալով Սասուն սարսափելի կոտորածներ արեց, այրեց գիւղերը և ամբողջ Սասունը գրեթէ անապատ դարձրեց: Հայերը վերջին անգամ հաւաքուեցան միասին և պատրաստուելով ելան թշնամու դէմ: Հայերի թիւն էր հազար հոգի, որոնց հրամանատարն էր Գրիգոր զօրավետը, որը զօրքը չորս մասի բաժանելով մի մասը լանձնեց քաջ Արաբօին, մի մասը Լեոնին, միւս մասն էլ Կըրպօին, իսկ չորրորդ մասը ինքն առաւ և սկսեցին պատերազմել:

Ամբողջ տասն և վեց օր կռուեցին, բայց իզուր անցաւ հայերի քաջութիւնը, որովհետև պաշար չունէին, ո՛չ հացի և ո՛չ զէնքի, լազութուեցան և ընկան Օսմանցոց ձեռքը, որից լետոյ տաճկաց զօրքերը կատարեցին իրանց բարբարոսութեանց պակասները. անխնայ կոտորածներ արեցին, առանց հատակի և դասակարգի խորութեան: Նրանք շատ էին ցանկանում հայոց զօրավետ Գրիգորին գերի բռնել, բայց չկարողացան որովհետև Գրիգորը ինքն իրան սպանել էր, որպէսզի չընկնի թշնամու ձեռքը, իսկ քաջ Արաբօն շտապեց գնաց Սիրանոյշին փախրեց Պարսկաստանի Մագու գիւղաքաղաքը Թէմուր խանի տունը: Թէմուր խանը տեսնելով Սիրանոյշի գեղեցկութիւնը ասաց իր մտքում. «այսպիսի գեղեցիկ աշխարհում չի ձարուի. ես սորան



կառնեմ ինձ հարսնացու» և այս դիտաւորութեամբ հարցրեց Սիրանուշին— «աղջիկս, նշանուած ես թէ սչ», Արաբօն առաջ գալով ասաց. «յարգելի մեծ խան, այս, նշանուած է մի տղայի հետ. որը գնացել է Ռուսաստան աշխատելու համար, բայց տղայի և աղջկայ մէջ ուխտադրութիւն կայ երեք տարի ժամանակու»: Խանը երբ իմացաւ այդ բանը ասաց.— «աղջիկս, անհոգ կաց, ես քեզ կ'սլահեմ ինչպէս իմ հարազատ աղջիկը, մինչև որ կ'գայ քո նշանածը»:

Սիրանուշին մի առանձին սենեակ տուեց և երկու հատ էլ աղախին: Սիրանուշը գնաց իւր սենեակը և կանչեց Արաբօին և մէկ նամակ գրեց և նամակի վերջում տեղ թողնելով՝ գրիչը տուեց Արաբօին և ասաց նրան.— «ինչ որ քեզ կասեմ, այն էլ գրիր: Առաւ ջութակը և երգեց այսպէս.—

Մատաղ լինիմ քեզի, Արամ եղբայրս»,  
 Ետապով հասցուր իմ նամակս Ազատուն,  
 Պատմիր դու նորան մէկ առ մէկ իմ ցաւս,  
 Մարել կտաս անշէջ կրակս Ազատուն:

Պատմիր անիրաւ թշնամու արածք,  
 Կոտորել են խեղճ նորահաս մանկանցը,  
 Պարգև է եղել ինձի անվերջ լացը,  
 Մէկիկ-մէկիկ պատմիր տանջանքս Ազատուն:

Բացուան թնդանօթները չորս կողմիցը,  
 Զայրացել էր օգը միի ձեռքիցը,  
 Սիրելիս գցել է ինձի մտքիցը,  
 Գտիր, իմ քաջ սուրհանդակս, Ազատուն:

Սիրանուշն եմ, ծերացայ ան քաշելով,  
 Այլոց ձեռքին տուցորուելով ու լալով,  
 Գնա գտիր իմ սիրելիս մանգալով,  
 Վառել տուր իմ մարած ճրագս Ազատուն:

Երգը վերջացնելուց լետոյ կնքեց նամակը իր մատներով, տուեց Արաբօին և աղաչեց, որ շուտով հասցնէ:

Արաբօն նամակն առաւ և մնաս բարով ասելով՝ ճանապարհ ընկաւ գէպի Կոստանդնուպօլիս, ինչպէս առաջուց Ազատը նորան ասել էր իր ճանապարհորդութեան մասին: Արաբօն այն ժամանակ, հասաւ Կոստանդնուպօլիս, երբ Ազատը և Սուրէնը դուրս էին եկել քաղաքից. նրանք մի օրուայ ճանապարհ գնալով հանդիպեցին մի ցամաք առուակի, Սուրէնը ասաց,— «որդեակս, առուակի հետ վերև գնանք, կարելի է թէ ջուր լինի, ծարաւութիւնը արդէն ինձ լաղթել է»: Ազատը ասաց.— «թող քո կամքդ լինի» և բարձրացան վեր և պատահեցին ջրին, նստեցին, խմեցին կերան և մութը ընկնելով ալգտեղ գիշերեցին: Ամառուայ քաղցը



գիշերներին մէկն էր. տեղը ծաղկաւէտ, անուշահոտութեան բուրմունքներից արբենալով հայր և որդի շատ քաղցր քնեցին: Թող դրանք այդտեղ քնեն. մենք ընթերցողին տանենք Արարօի մօտ: Արարօն մտնելով Կոստանդնուպօլիս սկսեց սրճարանները հարցնել Ազատուն. վերջապէս գտնելով Վահան Սանթուրջեանի սրճարանը՝ հարցրեց Ազատուն. Սանթուրջեանը ասաց— «այո՛», Ազատ անունով մի աշուղ եկել էր սորանից չորս ամիս առաջ, նա գնաց Սախալին իւր հօրը բերեց և մէկ գիշեր էլ այստեղ մնալով՝ անցեալ օրը գնաց դէպի Սասուն»: Արարօն երբ այս իմացաւ, խելքը գլխիցը թռաւ, ելաւ սրճարանից և շարունակեց ճանապարհը դէպի Սասուն: Այժմ գանք Ազատուն. Ազատը քնեց, զարթնեց, լուացուեցաւ, աղօթեց և մօտենալով հօրը ձայն տուեց, բայց հայրը սաստիկ լուռնաձ լինելով չ'զարթնեց: Ազատը տեսաւ որ չի զարթնի, առաւ սազը և երգեց այսպէս.—

Բաւ է քնես, զարթիր, գովելի հայրիկ,  
 Ճանապարհորդները եկան գնացին,  
 Մեզանից անցկացան թէ մե՞ծ թէ պոտիկ,  
 Ճանապարհորդները եկան գնացին:

Ապաստում է Սիրանուշը անհամբեր,  
 Ոչ օգնական ունի և ոչ գտած տէր,

Ցերէկ եղաւ օրը, քաջալերուի, վեր,  
 Ճանապարհորդները եկան գնացին:

Վեր կաց կանգնիր, հասնենք մեր նպատակին,  
 Որ չուրախանայ անգուժ թշնամին,  
 Սիրանուշի սէրըն վառեց Ազատին,  
 Ճանապարհորդները եկան գնացին:

Այս երգի ժամանակ Արարօն մօտեցել էր առուակին. վերջին բառերը որ ընկան ականջը՝ կանգնեց և սկսեց աւելի լաւ ուշադրութեամբ ականջ դնել, բայց ոչ ոք չերևաց. առուակի հետ վեր բարձրանալով տեսաւ մի գլուխ, աւելի ևս մօտենալով սազի ծայրն էլ տեսաւ և մի քիչ էլ մօտ գնալով Ազատը գլուխը բարձրացրեց և տեսնելով Արարօին, տեղից վեր թռչելով, վազեց ընդ առաջ ասելով— «ո՛հ, Արամ եղբայրս». նրանք փաթաթուեցան և սկսեցին միմեանց ջերմ համբույրներ տալ: Արարօն հարցրեց թէ «ո՛ւր է Սուրէն հայրիկդ». Ազատը ասաց.— «ահա ծաղիկների միջում քնած է»: Յետոյ Արարօին հարցրեց. «է՛հ, եղբայր ջան, քնչ բարի լուր ունիս». — Արարօն հանեց նամակը տուեց. Ազատը բաց անելով կարդաց, հանգամանքը իմանալով՝ արտասուելով ասաց.— «նիւ երանի թէ այս նամակի փոխանակ մի բաժակ թոյն բերէիր, և այս սասելով բարձր ձայնով լաց եղաւ.



լացի ձայնը հասնելով Սուրէնի ականջին՝ զարթ-  
 նեց, վերկացաւ և ասաց. — «որդիս, ինչո՞ւ կուլաս.  
 այս երիտասարդը ո՞վ է»: Ազատը լալազին ասաց. —  
 «այս այն է, որի մասին միշտ քեզ պատմում էի»:  
 լետոյ նամակը տուեց հօրը. հայրը կարգաց և երբ  
 այս տողերին հասաւ — «Սիրելի Ազատ, հասիր օգ-  
 նութեան, որ իմ շէն սիրտս անիրաւ օսմանցին  
 աւերեց, և իմ հայրս սպանուեց պատերազմի դաշ-  
 տումը, ես էլ զաղթել եմ Պարսկաստանի Մաքու  
 գիւղաքաղաքը Թէմուր Խանի տանն եմ:» — Ազատը  
 չկ'արողանալով համբերել՝ ցաւի կսկծիցը սազը ձեռ-  
 քն առաւ և սկսեց երգել:

Կրկին սիրտս կրակ ընկաւ, հայրիկ ջան,  
 Անուշ սիրեկանիս գերի են տարել,  
 Աւերուել է բոլոր Սասուն, Հայաստան,  
 Ազնիւ հոգեկանիս գերի են տարել:

Ով անգութ թշնամի, անխիղճ, անօրէն,  
 Ինչո՞ւ այդպէս քանդիր Հայաստան շէն,  
 Ես այնպէս եմ հասկանում այս նամակէն  
 Սիրուն Սիրանոյշիս գերի են տարել:

Ազատ, Սիրանոյշը գերի է ընկել,  
 Աղերսելով մեզի նամակ է գրել,  
 Խնդրել է օգնութեան շուտով հասնել,  
 Հեզիկ Արփենիկիս գերի են տարել:

Երգը վերջացնելուց լետոյ ասաց. — «հայրիկ  
 ջան, վեր կացէք գնանք»: Ընկնելով ճանապարհ  
 հասան Սասուն դաշտը, Ազատը ասաց. — «տես-  
 նում էք, կարծես Սիրանոյշը տրտում տխուր մեզ  
 է նայում. կացէք մի երգ ասեմ՝ նոր գնանք» —  
 առաւ սազը և սկսեց երգել այսպէս:

Բաղդիցդ գրկուած, ով այրի տիկին,  
 Մնացին որբերդ վայրի, Հայաստան,  
 Այգիներդ այրին, դիւղերդ աւրին,  
 Քեզ փրկութիւն էլ ո՞վ ճարի, Հայաստան:

Վարդ կարմիր վանքերդ սգով մնացին,  
 Եկին շատ իշխաններ, ոչինչ չօգնեցին,  
 Մատաղ մանուկներդ արնով զոհուեցին,  
 Յոյսդ է մնացել թերի, Հայաստան:

Նրանց հանդէպ մի բլուր կար, որը շատ նման  
 էր Մասին, անունը դրել էին Արարատ. Ազատը  
 նայեց Արարատին և երգեց այսպէս: —

Խեղճ Ազատը քեզ կնայէ, Արարատ,  
 Սև քօղով փաթաթուած, վերքերդ անփարատ,  
 Այս ի՞նչ դառն օրեր, վիճակներս վատ,  
 Գնացին քաջերդ գերի, Հայաստան:

Այս երգից լետոյ ճանապարհները շարունա-



կեցին և երեք ժամից լետոյ հասան Շէնիկ զիւղը-  
 Ազատը դառնալով ասաց հօրը և Արաբօին.—  
 „գնանք Սիրանոյշի այգին, գուցէ մի նշան գտ-  
 նինք որից ես կարօտս կառնեմ“: Գնացին այգին  
 տեսան վարդերը թառամած, ծառները կոտրւած,  
 Սիրանոյշի սննեակը քանդուած՝ սրտեղ գիշակեր  
 ազգաւներն էին եւ ու մուտ անում: Ազատը այս  
 դուրսիւնը տեսնելով չ'կարողացաւ համբերել, վեր  
 առաւ վազը և երգեց այսպէս.—

Խեղճ բուրաստանի ծաղիկը  
 Բացուեց ու շուտով թառամեց,  
 Առանց պաշտպան տերեւիկը  
 Բացուեց ու շուտով թառամեց:

Կարծես թէ խաշել է քամին,  
 Տեսէք անխիղճ այգեպանին,  
 Ծծեց արիւնը արմատին,  
 Բացուեց ու շուտով թառամեց:

Տես բազէի մոխրամուկները,  
 Զեղխութեամբ իր արարմունքը՝  
 Արմատախիլ արաւ տունկը  
 Բացուեց ու շուտով թառամեց:

Ազատը մաքրեց խօսքերը,  
 Զարաչար սոխակի սէրը,

Վարդին հով բռնեց թևերը,  
 Բացուեց ու շուտով թառամեց:  
 Երբ կ'զարթնի քնած մարդը,  
 Տեսնի կողոպտած իր զարդը,  
 Սոխակին սիրահար վարդը  
 Բացուեց ու շուտով թառամեց:

Երգից լետոյ Արաբօն ասաց. “եղբայր, գնանք  
 մեր այգին, մի ամիս կ'լինի որ չեմ տեսել“: Այն-  
 տեղ էլ գնալով միւլենոյն տեսարանը ներկայացաւ  
 նրանց առաջ և Ազատը չ'գիմանալով՝ սազն ա-  
 ռաւ և երգեց այսպէս.—

Յրտիցը, ով արև, թողոչնեցաւ բոյսդ,  
 Մէկ ժամ իրանց մօտը հիւր կ'խնդրեն,  
 Նորանց վերայ ծագէ անթառամ լոյսդ,  
 Յրտերի աշխարհին ցուրդ ջուր կ'խնդրեն:

Անուշահոտ վարդերդ անտէր մնացին,  
 Գալ ազգաւի ձեռքը աւար գնացին,  
 Կանգնեցրու արմատիս մէկ բոյս նորածին,  
 Այգեպան սրտախիղճին տուր կ'խնդրեն:

Անգութ բազէն իրան տէր է ճանանչէ,  
 Կսպասէ, որ այգուս բուսը կանանչէ,  
 Մի վախիլ, Ազատ, համարձակ հնչէ,  
 Քունաւոր փուշերուն սուր կ'խնդրեն:



Երբը աւարտելուց լետոյ մորմոքալով ճանապարհ ընկան դէպի Պարսկաստանի Մագու գիւղաքաղաքը. ճանապարհին պատահեց այն քահանան, որ առաջուց Սիրանոյշին ուզում էր իր տղային, երբ իմացաւ Սիրանոյշի Պարսկաստան գնալը, զընաց տեղը իմացաւ և վերագարձաւ, որ տղային տանի պսակէ: Քահանան հարցրեց Ազատուն.— „որդիս, ո՛ւր ես գնում». Ազատը ասաց.— „գնում եմ Սիրանոյշի մօտ». նա ասաց. „ես այնտեղից եմ գալիս, և քաջ տեղեակ եմ, որ Քէմուր խանի տղան նորան տարաւ Ծամ քաղաքը իրեն կնութեան»: Երբոր այս լուրը իմացան՝ մնացին մոլորուած և միմիանց ասացին «գնանք Ծամ», մանաւանդ Ազատը արտասուելով ասում էր. պէտքէ գնալ. նրանք ճանապարհը շարունակեցին դէպի Ծամ: Քահանան տեսնելով նրանց խաբուիլը, ուրախ ուրախ գնաց դէպի իւր տունը, բայց ճանապարհին աւագակները հանդիպելով նորան սպանեցին:

Ճանապարհորդները հասնելով Ծամ, սկսեցին հարց ու փորձ անել Սիրանոյշի մասին, բայց ոչինչ չ'կարողացան իմանալ, վերջապէս պատահեցան Սասունցի Աւոնին, որը հաստատապէս հերքեց, որ սուտ է այդ լուրը և ով որ ասել է ձեզ՝ խաբել է, անպատճառ թշնամի է եղել: Ազատը նոր ուշքի եկաւ և հասկացաւ քահանայի չարութիւնը և սկսեց ծածուկ երգել այսպէս.—

Քաղմացել են թշնամիքս,  
Ուրախութեան տէր են դարձել,  
Լացով կոծով իմ տարիքս  
Սրտիս մէջ վէրքեր են դարձել:

Լրացաւ պայմանիս տարին,  
Ինչո՞ւ հաւատացի չարին,  
Խնդրեմ նա կատարէ բարին,  
Կախարդ հրաւէր են դարձել:

Ազատուս ցաւերը շատ է,  
Յուսանք որ տէրը փարատէ,  
Կեղծ հոգուն լսելը վատ է,

Միշտ չարութեան մէր են դարձել:

Այս երգից յետոյ գնացին մի սրճարան մտան, ողջունեցին, այնտեղ եղողները ընդունեցին սիրով նրանց ողջոյնը և տեղ ցոյց տուին նրանց, նրանք երեքը միասին նստեցին, նստողներից մէկը հարցրեց Ազատուն, — «եղբայր, գտա՞ր կորցրածդ», մի ուրիշը հարցրեց թէ «ինչ է կորցրածը, Ազատը ալլևս չ'պատասխանեց և սազը առնելով սկսեց երգել այսպէս.—

Անլաջոյ վիճակում տխուր և տրտում  
Եօթնարփեան պսակով թագ եմ կորուցել.



Վէրքերս վշտերս, ցաւերս եմ հոգում,  
Թանկագին աղամանդ ալ եմ կորուցել:

Անիրաւ թշնամին դռներս սլատեց,  
Քաղցրաձայն սոխակն վարդիցը զատեց,  
Կեանքիս բողբոջ արմատները հրատեց,  
Ծուղակով բռնած թուխակ եմ կորուցել:

Խնդրեմ վերանայ քո սուգդ, Ազատ,  
Ճանաչէ օտարին և բուկդ ազատ,  
Պինդ բռնէ թշնամուն բազուկդ ազատ,  
Սիրտ կտրատող սուր դանակ եմ կորուցել:

Սրճարանի միջի մարդիկը ասացին.— աշուղ,  
քո ման գալածդ այստեղ չէ, եթէ այստեղ լինի  
մենք կարող ենք գտնել: Սասունիցը տեղեկութիւն  
ունիս, դու այնտեղից աստ թէ քնչ գրութեան  
մէջ է.— «Ազատը իբրև պատասխան երգեց այս  
երգը.—

Ձեզ պատմեմ Սասունի անցքերը, լսէք,  
Ծախեցէք զարդերդ, զրկեցէք Սասուն.  
Շատ նեղութեան մէջ է, երթալ թէ կուզէք՝  
Վերցրէք խաչերդ, գնացէք Սասուն:

Նորահաս կոյս աղջիկները լկեցին.  
Մատաղիկ մանուկները նիզակեցին,

Բնիկ ժողովուրդը տեղից վանեցին,  
Կեանքերդ մատղեցէք, փրկեցէք Սասուն:

Ծաղկեալ պարտէզները խանգարուել են,  
Երգող սոխակները միջէն զատուել են,  
Գայլ ագուսների ձեռքն յանձնուել են,  
Շտապով գնացէք ազատէք Սասուն:

Այս երգը երգելիս քաղաքի տաճիկ ոստիկան-  
ները իմանալով՝ ներս մտան Ազատուն բռնեցին  
տարան բանտարկեցին: Սուրէնը և Արաբօն շատ  
չարչարուեցան, բայց ոչ մի հնար չկարողացան  
գտնել ազատելու, մնացին շուարած, Սուրէնը ա-  
սաց,— «Արամ, առ այժմ գնանք Սիրանոյշին գրե-  
նենք տանենք մեր տուն, տեսնենք լետոյ Աստ-  
ուած ինչպէս կանէ վերջերս. ես այնպէս գիտեմ, որ  
մեր ստեղծողը իր ստեղծածին չի կորցնէ, միշտ  
խաւարում չի թողնի, այլ մի օր լոյս կ'ծագէ նո-  
րան: Այս ասելով նրանք գնացին մի պանդոկ, գի-  
շերը մնացին այնտեղ, որ առաւօտեան ճանապարհ  
գնան: Առդէն Ազատու բանտում մնալուց չորս ա-  
միս անցել էր. հէնց այդ գիշերը Ազատը խիստ  
մտածութեան մէջ ընկնելով, հառաչելով ձեռքը  
ձգեց շղթաներին սաղի փոխանակ, և սկսեց  
երգել այսպէս.—



Երիտասարդ Հասակումս

Կեանքս մաշեց նեղութիւնս,

Շատ ցաւեր ունիմ սրտումս,

Փարատէ զիս, ով ստեղծող:

Մութ բանտի միջում կուչ եկած,

Օրըս լալիս եմ խաւարած,

Ոտքերս շղթայով կապուած,

Արձակէ զիս, ով ստեղծող:

Բարեխօսեան, Սրբուհի Կոյս,

Անդարման ցաւես ծագէ լոյս,

Հանել ի բանտէ՛ խեղճ գերոյս.

զատէ զիս, ով ստեղծող:

Այս երգից յետոյ քնեց, յանկարծ սաստիկ դը-  
ղըրդիւն ընկաւ բանտի մէջ, որից և զարթնեց, տե-  
սաւ բանտի դռները բացուած, բանտապետները  
ուշաթափուած վայր են ընկել գետին. Ազատը  
մնաց մոլորուած, երկիւղից չէր իմանում ինչ ու-  
նելը. այդ ժամանակ մի այեղարդ ձերուռնի մօտեցաւ  
Ազատուն և ասաց, — «այ մարդ, ինչո՞ւ ես կանգ-  
նել, թո՞ղ շղթաներդ և զնան, այս բոլորը Աստ-  
ուած քո ազատութեան համար արեց», : Իսկոյն շրջ-  
թաները փշրուեցին և Ազատը ազատ ու համար-  
ձակ դուրս եկաւ բանտից և ճանապարհին պատա-

Հեց մի ծառի, որը նոր զարնան հոտ էր առել,  
սկսել էր նորաբողբոջ տերևները արձակել. Ազատը  
ասաց. — «խղճալի ծառ, ինչպէս որ ես բանտիցն եմ  
ազատուել, այնպէս էլ դու ձմռան ճանկից ես ազատ-  
ուել, դէհ մի փոքր քո կատարովդ հով արան ինձ  
հանգստանամ»: Նա նստեց այդ ծառի տակին և  
վրան թմրութիւն գալով քնեց: Թողնենք նրան քը-  
նած և գանք Սուրէնին և Ազատուն: Երբոր լոյ-  
սը բացուեց, նրանք վեր կացան տիւուր և տրտում  
հեռացան պանդոկիցը և միմիանց հետ խօսելով  
գնում էին. յանկարծ աչքերը վեր բարձրացրին տե-  
սան մի ծառ և տակին մի մարդ քնած, մօտեցան  
և ճանաչեցին, որ Ազատը է, ուրախութիւններից  
քիչ մնաց որ խելքները թռցնէին, յետոյ հարցրին  
հանգամանքը, Ազատն նորանց պատմեց ասելով.—  
«Աստուծոյ մօտ անհնարին բան չ'կայ, եթէ մի-  
այն իւր բարի կամքը լինի»: Նրանք շարունակե-  
ցին ճանապարհները դէպի Մագու. ճանապարհին  
Ազատը պատահեց իր վաղեմի ընկեր Ռուբէնին,  
որի հետ միասին կարգացել էին ուսումնարանում:  
Ռուբէնը ասաց. — «Ազատ եղբայր, երկու տարի է,  
որ օտարութեան մէջ ես ու նպատակներիդ ես աշ-  
խատում, չէ որ պէտքէ տանեցոցդ էլ մտաբերես,  
նրանք քեզ սպասելով հալ ու մաշ եղան»: Ազատը  
այս լսելով սիրտը շարժուեց, սազը առաւ և սկսեց  
երգել այսպէս. —



Խնդրեմ մեր տունը երթաս ուրախ ժամու,  
 Գտայ Հայրս, միայն սիրելիս կորաւ,  
 Երթալս Մագու է, իսկ գալս Շամու,  
 Գտայ Հայրս, միայն սիրելիս կորաւ:

Հանգստութիւն չունիմ մէկ ժամ, մէկ վայր-  
 կեան,

Այնքան պիտի ման գամ, գտնեմ սիրական,  
 Ման եմ գալիս, ոչ մեռած եմ, ոչ կենդան,  
 Գտայ Հայրս, միայն սիրելիս կորաւ:

Մեզանից բարև տար մեր ծնողներին,  
 Թող չ'իսնդացնէ թշնամիներին,  
 Գերեզման կը լինիմ ճանապարհներին,  
 Գտայ Հայրս, միայն սիրելիս կորաւ:

Երբոր վերադարձայ Սասուն Սախալից,  
 Սար ու ձոր թնդում էին լաց աղաղակից,  
 Ասաց.— Ի՞նչ լուր ունիս իմ գերգաստանից—  
 — Գտայ Հայրս, միայն սիրելիս կորաւ:

Երգից յետոյ Սուրէնը մի նամակ գրեց տանե-  
 ցոց և նկարագրեց իւր գլխին պատահածները, կրն-  
 քեց նամակը և լանձնեց Ռուբէնին, որը մնաս բա-  
 րով ասելով զնաց Հայրենիք, իսկ ճանապարհորդ-  
 ները շարունակեցին իրանց ճանապարհը: Արաբօն  
 ասաց.— «Սուրէն եղբայր, ես կարծում եմ որ իմ

գալս լաւ չի լինի, գուցէ Թէմուր խանը ուրիշ  
 բան կարծէ իմ ձեզ հետ լինելու մասին, ուրեմն  
 աւելի լաւ կ'լինի, որ ես այստեղից զնամ Էջմիա-  
 ծին, մինչև որ դուք էլ կ'գաք»: Սուրէնը չմերժեց  
 նրա խօսքը և Արաբօն ճանապարհ ընկաւ և հաս-  
 նելով այնտեղ հիւր եղաւ Ղամազեան Ղևոնդի  
 տունը: Իսկ Սուրէնը և Ազատը եկան Մագու,  
 զնացին Թէմուր խանի տունը, ներս մտան, բարև  
 տուին և կանգնեցին: Խանը նրանց բարևը ընդու-  
 նելով՝ տեղ ցոյց տուեց նստելու, և քիչ յետոյ հար-  
 ցրեց սրտեղացի լինելը, պատասխան ստացաւ որ  
 Սասունցի են, յետոյ Ազատուն ասաց.— «ես տես-  
 նում եմ, որ դու աշուղ ես, ուրեմն մի երգ ասա  
 լսեմ»: Ազատը մտածեց մի այնպիսի երգ ասել, որ  
 Սիրանոյշ անունը տողերի վերջում չի՛շէ, առաւ  
 սողը և սկսեց երգել այսպէս:—

Գեղ պատմեմ Սասունի անցքերը բոլոր,  
 Կարծեմ ձեզ է եկել մեր Սիրանոյշը,  
 Աղաղակից թնդացել են սար ու ձոր,  
 Չարաչար քաշում է սէր Սիրանոյշը:

Որբ է մնացել մեր խղճալի Սասուն,  
 Կստորուել են էրիկ, կնիկ, անասուն,  
 Այրուած գիւղերի թիւն է քառասուն,  
 Աստուած սիրես, այստեղ բեր Սիրանոյշը:



Ծառալել են սար ու դաշտ քիւրդերը,  
 Անգթաբար այրել են այգիները,  
 Վարդերից զատել են խեղճ սոխակները,  
 Այսպէս բան դեռ տեսած չէր Սիրանուշը:

Եկեղեցիները քրդին յանձնուած,  
 Բոլոր զարդ ու զարդաբանքը կողոպտուած,  
 Հրաշալի պատկերները այրուած,  
 Ազատուս սիրելին ձեր Սիրանուշը:

«Ազատու սիրելին, ձեր Սիրանուշը» բառերը արտասանած ժամանակ. Մշեցի գաղթականներ կային այնտեղ, իսկոյն հասկացան երգի միտքը և սկսեցին մըմնջալ միմիանց հետ. խանը ասաց. «որդիս, հէնց մենք էլ քո գալուդ էինք սպասուած»: Ըստը հասաւ Սիրանուշին, որը իսկոյն վազեց դէպի Խանի սենեակը. Խանը իմանալով նորա գալը՝ իսկոյն արգելեց երևան ելնել, և հրամայեց գիւղից եռետուն երիտասարդներ բերել տուեց մի տարազով, նոյն ձևով և Ազատուն հագցրեց. խումբը երկու մասի բաժանեց և մինը առանձնացրեց, որի մէջն էր Ազատը, իսկ միւս մասը կանգնեցրեց և Սիրանուշին կանչելով ասաց. — «աղջիկս տես սրանցից ո՞րն է քո սիրելին». Սիրանուշը մէկ մէկ նայելով պատասխանեց «և ոչ մէկը» լետոյ առաջ բերեց միւս խումբը, որի մէջն էր Ազատը, որը

կասկածելով որ մի գուցէ չճանայէ Սիրանուշը, որովհետև այժմ մօրուսով էր, Սիրանուշի թաշկինակը որը ընծայ էր իր մօտը, քաշարեց իր գոտկիցը և այնպէս ներս մտաւ: Սիրանուշը հերթով նայելով եկաւ Ազատու հանդէպը և սկսեց ուշի ուշով նայել, Ազատը յօրանջեց, իր առաջին ատամներից երկուսը ընկել էին, Սիրանուշը յանկարծ նկատեց իր թաշկինակը, որի վերայ գրուած էր իւր անունը, իսկոյն դարձաւ դէպի Խանը և ասաց. — «ահա, տէր իմ, սա է իմ սիրելին»: Խանը շատ ուրախացաւ և ասաց. — «իմ միակ որդուս մահուանից լետոյ ես ուրախութիւն չեմ վայելել, բայց այժմ իմ խոստման համեմատ ձեզ մի լաւ հարսանիք կանեմ և մենք էլ կուրախանանք»: Սուրէնը առաջ գալով ասաց. — «յարգելի Խան, ահա երկու տարի է, որ մեր ծնողքը մեզ են սպասուած, թէ ինչ հանգամանքներ կային բոլորը Զեզ առաջուց արդէն պատմել ենք, ուրեմն՝ խնդրում եմ թոյլ տուէք գնանք մեր տունը կատարենք հարսանիքը և թշուառ մերայնոց ուրախացնենք»: Մինչդեռ տայպէս Խանը և Սուրէնը միմիանց հետ խօսում էին՝ Ազատը յարմար առիթ գտաւ և երկու երիտասարդի հետ դուրս գնաց սենեակից. երիտասարդները նորան տարան այն պարտէզը, որը Թէմուր Խանը տուել էր Սիրանուշին: Ազատը մտաւ պարտէզ այն ժամանակ՝ երբ Սիրանուշը ազատիներէ հետ



դուրս էին գալիս իր սենեակի դռնից: Սիրանոյշը երիտասարդներին սր տեսաւ ամաչեց և անցկենալով միւս դռնից ներս մտաւ և գալով պատուհանի առաջը սկսեց նայել դէպի Ազատին, Ազատը այս տեսնելով սիրտը կրակ լցուեց, էլ չկարողացաւ համբերել, սազը առաւ և սկսեց երգել այսպէս.—

Արևի արփենիկ, գեղեցիկ սիրուն,  
Ինչո՞ւ իմ երեսիս աշելով անցար,  
Քարնանային նոր բացուած ծաղիկ սիրուն,  
Հոտովդ արբեցայ, մաշելով անցար:

Կուզեմ որ փաթաթուիմ քո պարանոցդ,  
Քաղցր ծաղիկներ կան պատած քո ծոցդ,  
Այրեց ու կրակէց ինձի քո բոցդ,  
Կեսանքիս տերևները խաշելով անցար:

Ընդունիր այս գիշեր ինձի հիւր քեզի,  
Քաղցր շրթունքներով տամ համբույր քեզի.  
Ծաղկեալ բուրաստան ես, լինիմ ջուր քեզի,  
Վարդի պէս տոխակին քաշելով անցար:

Պատասխան տուր ինձի, ով իմ սերելիս,  
Փափագս լրանալ կուզեմ Ազատիս,  
Գժուար եկայ, մե՛թէ երես կոլորես,  
Կտրատեցիր սիրտս, տաշելով անցար:

Ազատու ընկերները նկատեցին, որ նա ցանկանում է գնալ Սիրանոյշի մօտը, նրանք հեռացան պարտիզից, Ազատը գնաց դէպի Սիրանոյշի սենեակը. Սիրանոյշը Ազատու գալը տեսնելով սենեակի միւս դռնովը գնաց պարտիզից ծաղիկների փունջ կապելու. երբոր Ազատը ներս մտաւ և Սիրանոյշին սենեակում չգտաւ, երեսի գոյնը թռաւ և մտքումը ասաց.— «անպատճառ Սիրանոյշը ինձանից զատ մի առանձին սիրեկան է ճարել, որ միշտ այսպէս փախչում է ինձանից»:

Մէկ էլ պատուհանից դուրս նայեց, տեսաւ որ նա ծաղկի փունջը ձեռքին բռնած գալիս է, ուրախութիւնից սազը առնելով ձեռքը սկսեց երգել այսպէս.—

Ճշմարիտ սիրուդ փափագ եմ, ով դու անման  
սիրուն,  
Շատ տեղեր ման եկայ, բայց չտեսայ քեզ նման  
սիրուն.  
Սիրունների միջում ես դու ինչպէս վարդը փուշի  
մէջ.  
Ուրեմն ինձի ես արժան, արի, հոգի ջան սիրուն:

Մէրդ ինձի դառել է կրակի կայծ ու այրում է,  
Ես սոխակ եմ, դու ծաղկով զարդարուած բուրաստան սիրուն.



Մագերդ քամին կշարժէ ինչպէս վարդի տերևը,  
Մի գատէ քեզնից սոխակին, եղիր վարդարան սի-  
րուն:

Բաւ է ինձ այնտեղ չարչարես, արի մօտս, սի-  
րելի,  
Միշտ քո մասին ես արել եմ լաց ու կոծ սիրուն,  
Կաքաւի պէս ման ես գալիս պարտիզի մէջ լոյս  
տալով,  
Տեսայ պայծառ աստղմ լոյս կըտայ Պարսկաստան  
սիրուն:

Ազատը երբոր այս երգը վերջացրեց, Սիրանույշը  
ներս մտաւ, վազեցին միմիանց ընդ առաջ և փա-  
թաթուէլով սկսեցին համբուրուել, յետոյ նստելով  
սկսեցին խօսել. մութը ընկած լինելով՝ Ազատը  
այգտեղ դիշերեց: Առաւօտեան Խանը ծառային  
ուղարկեց երկուսին էլ կանչեց իւր մօտ. նրանք  
եկան և գլուխ տալով կանգնեցին: Խանը ասաց Ա-  
զատուն. «որդիս, ես քու սիրուհիդ պահեցի ինչ-  
պէս իմ աղջիկս, մինչև քո գալը, ուրեմն՝ ահա  
տալիս եմ քեզ նրան, զնացէք անտրտում ասլրեցէք  
աշխարհում, մինչև խորին ճերուժիւն»: Նրանք  
մօտեցան Խանի ձեռքը համբուրեցին, անսահման  
երախտագիտութիւն արտայայտելով: Խանը նրանց  
մի մի նժուղ ձի բնծայեց, պատրաստեցին ձիերը

Սուրենը շնորհակալութիւն տալով Սիրանույշի հետ  
դուրս գնաց, իսկ Ազատը մնալով ներս, սազը ա-  
ռաւ և սկսեց երգել հետևեալ շնորհակալութեան  
երգը:—

Գովեմ, գովելի Թէմուր Խան,  
Շնորհակալ եմ քեզանից,  
Մագուլումն ես մի հատ իշխան,  
Ես որ գոհ կերթամ քեզանից,

Յաւիտեան հաստատ մնաս,  
Բարի համբաւներ ունենաս,  
Խնդրեմ վատ օրեր չտեսնաս,  
Ստացայ նոր կեանք քեզանից:

Աստուած մէկ օրդի տայ քեզի,  
Որ տրտում չթողիր մեզի,  
Զօրեղ է Աստուածը հեզի,  
Կը վերանայ սուգ քեզանից:

Երգից յետոյ մօտեցաւ ձեռքը համբուրեց, մնա  
բարով ասելով դուրս եկաւ, հեծան ձիերը և միա-  
սին ճանապարհ ընկան դէպի սուրբ Էջմիածին.  
այնտեղ հասնելուն պէս Ազատը զնաց վեհարան,  
ճանապարհին պատահեց Արաբօին և միասին մտան  
Հայրիկի մօտ. Հայրիկը առաջ կանչեց, եկան աջը  
համբուրեցին ծնկաջոք և կանգնեցին, և խօսելու



հրաման ստանալով՝ Ազատը առաջ գալով խոնարհաբար գլուխ տալով ասաց. — «Վեհափառ Տէր իմ, Սասունցի մի գաղթական աղջիկ եմ բերել, որին կոտորածի ժամանակ այս ընկերս ազատել էր և Պարսկաստանի Մագուայ խանութեան մէջ էր փախցրել, այժմ կամենում եմ հետը պսակուել, վասնորոյ խոնարհաբար խնդրում եմ ամենաողորմած կարգադրութիւն անէք, հրամայէք իմ ծխատէր քահանային, որ պսակէ մեզ առանց արգելքի»: Հայրիկը հրամայեց Սիրանոյշին բերել իր մօտ, իսկոյն շաթըրները (ծառաները) գնացին բերին. եկաւ Սիրանոյշը ծնկաչոք համբուրեց Հայրիկի ստքերը. Հայրիկը հրամայեց վեր ելնել և հարցրեց-«աղջիկս, դու կամու՞ւ ես եկել սրանց հետ թէ՛՝ ահամայ քեզ փախցրել են»: Սիրանոյշը խոնարհաբար գլուխը վայր ձգելով ասաց «կամաւ»: Երբ որ համոզուեց Հայրիկը որ Ազատու ասածը ճշմարիտ է, հրաման տուեց նրա ծխատէր քահանայի վերայ, որի անունը Ներսէս էր, օրհնեց երեքին էլ և ճանապարհ ձգեց: Երեքը միասին համբուրելով Վեհափառ Հայրիկի սուրբ աջը, դուրս եկան դահլիճից: Ազատը ուրախութիւնից չըզիտէր ինչ անէր, Վեհարանի դուռը եպիսկոպոսներ ու վարդապետներ կային կանգնած, նրանք տեսան որ Ազատու գործերը լաջող գընաց, նրան ասացին — «Այ աշուղ, գործդ լաւ եղաւ:

ուրեմն մի երգ ասա՛, յետոյ գնա:» Ազատն էլ հէնց այդ կուզէր. իսկոյն սագը լարեց և սկսեց երգել այսպէս. —

էլ Քեզ գովեմ, Հայր Վեհափառ, Գու ես Հայ ազգի ճրագ,  
 Լոյս ես տալիս ազգերի մէջ ինչպէս մէկ նոր արեգակ,  
 Ուսում ունիս Եւրոպական, ջանա՛ որ մենք հասանինք,  
 Մենք էլ քեզնով շատ ուրախ ենք, որպէս պարծանաց պսակ:

Գանձդ ժողովէ բարիքներով, որ լինիս բարեաց տէրը,  
 Ազգիդ օգտին ման արի, մի կտրի նորանց սէրը.  
 Աշխատիր, Հայրիկ, աշխատիր վառ-իր անցած մօմերը,  
 Ուսմամբ ջանա՛ գառնուկներիդ լինել հարազատ մշակ:

Խեղճ Ազատու այրուած սրտին կրակ վառ-իր, Վեհափառ.  
 Մեսրոպայ թարգմանչի նման խրատ առ-իր Վեհափառ,  
 Քաջ ընկերներ շատ ժողովէ, Հովիւ դառ-իր, Վեհափառ,



Արիւնդ գոհէ հայերին, որ ծաղկէ գերթ մանու-  
շակ:

Երգը վերջացնելուց լետոյ շնորհակալութիւն յայտնելով՝ եկան ձիերը հեծան և չորսը միասին ճանապարհ ընկան դէպի Շիրակ. ճանապարհին իջան Սօկութլի դիւղը, որտեղ է Ս. Գրիգոր Լուսաւորչի հրաշալի աղբիւրը. գնացին այդ աղբիւրը, անմահական ջրից խմեցին, այնտեղի մատուռն ուխտարին և դուրս գալիս՝ այնտեղ կոյր աղքատներ կաշին, նրանց էլ մի մի ոսկի տալով՝ ըարեմաղթութիւն ստանալով՝ կամեցան մեկնիլ՝ Ազատին ասաց. «Մի երգ էլ ասեմ՝ նոր գնանք,» ու սկսեց այսպէս երգել. —

Անմահական ջուր ես, սպիտակ աղբիւր,  
Քո մօտդ գալողը չի ուզում երթայ,  
Մէկ ժամի չափ մենք էլ եղանք հիւր,  
Քո հոտդ առնողը չի ուզում երթայ:

Կեծ մեծ գետակների գու ես գլուխը,  
Լիանում է քեզի գալող ամբօխը,  
Ողորմութեան համար նստած խնդրողը,  
Քո հողդ կոխողը չի ուզում երթայ:

Օրհնած է քո բոյսդ, անմահական ես,  
Անցնող գարձուղներին գու սիրական ես,

Բոլոր ջրերի մէջը դովական ես,  
Քո բոյսդ տեսնողը չի ուզում երթայ:

Երգը վերջացնելուց լետոյ ճանապարհ ընկան, եկան Պարնի դիւղը, դեռ Հայր-Յարթիկ չհասած՝ ճանապարհին զառի վայրի տափարակում մի աւերակ վանք կար, այնտեղ իջան քիչ հանդստանալու. այդ ժամանակ մի տղայ եկաւ նրանց մօտ, Սուրէնը հանեց մի ոսկի տուեց նրան և ասաց. — «Դնո՛ւ Եղիշէի տունը, Եղիշէին աչքալոյս տուր և ասո՛ւ քո որդիքդ գալիս են»: Երեխան ուրախ ուրախ վազեց դէպի տուն:

Ազատը դառնալով Սուրէնին ասաց. — «Հայրիկ ջան, տեսնո՞ւմ ես հայրենիքի նշանակութիւնը, ինչ թւում է իբր նրա տխրութիւնը փարատուեց. հէնց մեր գալուն էր սպասում. ահա բուրում են հրաշալի ծաղիկները իրանց հոտերը և արբեցնում են մարդի.» ասաց և սաղը ձեռքն առնելով՝ երգեց այս երգը. —

Ախ հայրենիք, ջան հայրենիք,  
Բնւ է արամիս, ուրախացի՛ր.  
Թող պատառուեն քո թշնամիք,  
Բնւ է արամիս, ուրախացի՛ր:

Նոր ծաղկեցան պարտէզները,  
Ուր երգում են սոխակները,



Ահա եկաւ ձեր քաջ տէրը,  
Բաւ է տրտմիս, ուրախացիր:

Շատ ժամանակ է տխուր ես,  
Արդեօք հիմա ծիծաղում ես,  
Ոտքի կանգնի, թէ ուզում ես,  
Բաւ է տրտմիս, ուրախացիր:

Դէ, աւետիս տուր իմ պապիս,  
Այսօր խաւարիցն ելաւ լիս,  
Այժմ ուրախ է Ազատիս,  
Բաւ է տրտմիս, ուրախացիր:

Այս երգից յետոյ նստեցին ձիերը և իջան դէպի գիւղը, տեսան մի խումբ ձիաւոր է գալիս. այդ խումբն էին Եղիշէն և իւր ազդականները, որոնք միմիանց հանդիպելով իսկոյն վայր իջան ձիերից, և սկսեցին իրար ողջունել, փաթաթուիլ, գրկախառնուել և ջերմաջերմ համբոյրներ մատուցանել միմիանց, յետոյ հեծան ձիերը և գնացին մտան գիւղը, երբոր հասան իրանց դուռը՝ Ազատու մայրը վազեց, համբուրեց իր որդու երեսը և ապա վազեց գրկեց Սիրանոյշին, համբուրեց և ներս տարաւ. նոյնպէս հրաւիրուեցան ներս բոլոր ներկայ եղող ձիաւորները: Եղիշէն մեծ բազմութիւն հրաւիրեց և ահագին պատրաստութիւն տեսաւ հարսանեաց համար, զանազան տեսակ նուագարաններ բերել տը-

ուեց և զարմանալի հանդիսով Ազատուն և Սիրանոյշին տարան պսակ սուրբ Յարութեան եկեղեցին. խաչ-քաւորը եղաւ քաջ Արաբօն. պսակը երբ տուն վերադարձաւ, հարսնեւորները բազմեցին պատրաստուած ճոխ սեղանի շուրջը և սկսեցին կեր ու խումանել, բարեմաղթութիւններ անել նորապսակալների համար, այլ և այլ կենացներ առաջարկել, երգել, պարել և այլն: Ուրախութեան տաք ժամանակը հանդիսականները խնդրեցին Ազատուն մի ուրախ երգ երգել: Ազատը առաւ սաղը և երգեց այս ուրախ երգը:

Բոլորիդ աչքն էլ լոյս, իմ ազգականներ,  
Ողջ և առողջ եկան ձեր որդիները,  
Խաղացէք, խնդացէք, քոյրեր, մայրիկներ,  
Ողջ և առողջ եկան ձեր որդիները:

Ծափ տուէք, ծիծաղ արէք բարձր ձայնով,  
Սեղաններ պատրաստէք լի կարմիր գինով,  
Համբոյրներ առէք դուք իրարից սիրով,  
Ողջ և առողջ եկան ձեր որդիները:

Ազատը իր բազմանքները կատարեց,  
Գերի հօրը գերութիւնից ազատեց,  
Տխուր բարեկամաց ուրախացրեց,  
Ողջ և առողջ եկան ձեր որդիները:





Յանկարծ քեզ տեսնողը կեղնի նետահար,  
Կը ցցուէ սրտի մէջ աղեղի նման:

Երգից լետոյ Սիրանուշը դուռը բացեց, ներս  
ընդունեց Ազատուն և երկուսը միասին մտան եր-  
ջանկութեան գիրկը. տպրեցին խաղաղ ու բազմա-  
ւոր կեանքով, մինչև իրանց խորին ծերութիւնը:

Վ Ե Ր Զ



Երբը վերջացնելուց լետոյ բոլոր հանդիսա-  
կանները ոտքի կանգնեցին և կենաց բաժակ խմե-  
ցին նորապսակեալների համար. այդ օրուանից հար-  
սանիքը տևեց քառասուն օր քառասուն գիշեր.  
ուտելիքին և խմիչքին թիւ ու համար չկար. Հա-  
յաստանի գինին հեղեղի նման հոսում էր, լետոյ  
մի մի բերան էլ հարսնեւորները կեանք և բազ-  
մաւորութիւն բարեմաղթեցին և ցրուեցան: Պատեց  
գիշերալին խաւարը. Ազատը գնաց Սիրանուշի մօտ,  
երբ մօտեցաւ դրանը՝ խփեց, բայց Սիրանուշը բաց  
չարեց և ասաց. — «Մինչև ինձ երգով չգովես՝ դու  
ուր բաց չեմ անի. Ազատը առաւ սաղը և երգեց  
հետևեալ գովեստի երգը. —

Գովաբանեմ քեզի, անուշ սիրելի,  
Վառվռուն աչքերդ կանթեղի նման,  
Վախում եմ թէ սէրդ իմ սիրտս վառի,  
Զի հանգչում, ծխում է անթեղի նման:

Ով սիրուն, նման ես գեղեցիկ արան.  
Մէկ հատ է քո բերրդ, աղնիւ սիրական,  
Սոխակին մի գատէ, եղիւր վարդարան,  
Քաղցրախօս լեզուդ համեղի նման:

Ազատը վառվում է քո սիրուդ համար,  
Թշերդ կարմրիկ, ունքերդ կամար,



**ՎՐԻՊԱԿ**

**ՈՒՂԻՂ**

էր.

ԳեռաՀաս Է . . . . .	23	ԳեռաՀաս
Ազատ . . . . .	28	Ազատի
Տկար . . . . .	„	Տխուր
Ազատ . . . . .	„	Ազատի
Ազատ . . . . .	„	Ազատի
Մրուր . . . . .	„	Մուր
Ազատ . . . . .	„	Ազատի
Գետից . . . . .	32	Գետիցը
Ազատ . . . . .	40	Ազատի
Այդ . . . . .	48	այդ
Սիպտակ . . . . .	53	Սպիտակ
Սար արաց . . . . .	53	Սուր արած
Քնչ է կ'Հարցանես . . . . .	57	Քնչ կ'Հարցնես
Սիպտակ ու . . . . .	58	Սպիտակ
Յերեկի . . . . .	„	Յերակի
Հայրդ կազատենք . . . . .	61	Կազատենք Հայրդ
Լեզուից . . . . .	66	Լիզուիցը
Պատուից . . . . .	66	Պատուիցը
Խեղճուկ Ազատուն—	66	Խեղճուկ Ազատու անձը
Հահուան . . . . .	68	Մահուան
Բոցը . . . . .	70	Խոցը
Որ չուրախանայ . . . . .	77	Որ չը ուրախանայ
Մի վախիլ Ազատ . . . . .	81	Մի՛ վախիլ, ով Ազատ
զատէ , . . . . .	86	Ազատի





9108000

13326  
2013

ՀՀ Ազգային գրադարան



NL0008016



